



JORNAL

do

Parlamento Nacional

VI LEGISLATURA

1.ª SESSÃO LEGISLATIVA (2023-2028)

REUNIÃO PLENÁRIA DE 5 DE SETEMBRO DE 2023

Presidente: Ex.^{ma} Sr.^a Maria Terezinha da Silva Viegas

Vice-Presidentes: Ex.^{mo} Sr.

Secretária: Ex.^{ma} Sr.^a

Vice-Secretárias: Ex.^{ma} Sr.^a Maria Teresa da Silva Gusmão

SUMÁRIO

Sr.^a Presidente em exercício, Maria Terezinha da Silva Viegas, declara aberta sessão plenária ne'e iha tuku 09 liu minuto 16.

Liutiha ida-ne'e, Sr.^a Presidente convida hotu-hotu hamriik ba execução Hino Nacional, Pátria, no Um Minuto de Silêncio.

Antes Ordem do Dia – Leitura Requerimento de justificação de falta Sr. Deputado sira-nian husi Sr.^a Secretária da Mesa.

Tuirmai, iha intervenção oin-oin, Sr. Deputado no Sr.^a Deputada sira ko'alia kona-ba: avaria iha sistema canalização bee moos iha zona Comoro nian; falta tanque reserva bee nian iha escola balu no posto saúde iha Posto Administrativo Cailaco; carência recursos humanos no equipamento saúde nian iha posto saúde sira; disseminação Código de Direitos do Autor e Direitos Conexos; polémica kona-ba destino professor contratado

sira-nian; fiscalização Comissão G nian iha V Legislatura; comemoração dia 4 de Setembro; horário ba fiscalização comissão especializada permanente nian; lançamento programa *zoom meeting* iha escola ensino secundário geral privada ida iha Turisca; falta manutenção trator iha Município Lautém; mercado iha fronteira Mota Masin ne'ebé la funciona; ponte no estrada balu ne'ebé precisa reabilitação; necessidade atu hasa'e salário mínimo trabalhador sira-nian; subida iha tarifa ba pacote internet *sim card Telemor* nian; substituição Diretor SNI nian; falta mudança iha salário ba professor sira-ne'ebé hatudu progresso iha desempenho; condição estrada no ponte sira iha Ainaro no Same ne'ebé precisa reabilitação ho caráter urgência; programa revitalização café nian ne'ebé la iha resultado; necessidade atu atualiza dados kona-ba trabalhador timoroan sira-ne'ebé serbisu iha rai-li'ur; estacionamento iha Parlamento Nacional; falta haris-fatin no bee moos iha Mercado Taibesi; impacto husi ai-hun boot sira iha estrada-ninin iha Dili laran; folin necessidade básica nian ne'ebé sa'e; Portal de Transparência ne'ebé la atualiza informação kona-ba execução OGE Retificativo; Jornal da República ne'ebé seidauk publica programa do Governo maski promulga tiha ona husi Presidente da República; falta ai-moruk iha clínica Parlamento Nacional nian; dúvida kona-ba desempenho husi adido de trabalho Timor-Leste nian iha Austrália no Correia do Sul; celebração dia 4 de Setembro husi estudante sira; atraso iha pagamento subsídio alimentar ba funcionário quarentena nian sira iha fronteira; distúrbio iha festa ida iha Maliana no ninia impacto ba população nia moris loroloron; restos mortais herói no mártir husi luta libertação nacional ne'ebé seidauk hetan; manipulação peso iha dasin husi negociante hirak ne'ebé fa'an na'an iha capital Dili; ausência professor sira-nian durante horas serbisu

iha eskola Hans Klemm, iha Bairro Pité; necessidade atu fó passaporte ba paciente labarik ida iha HNGV atubele transfere ba estrangeiro; pedido husi eis-durubasa UNAMET nian sira atu Estado fó certificado reconhecimento nian ba sira; *password* ba acesso ba portal declaração ricosoin nian.

Ordem do Dia – 1. Eleição de um membro para o Conselho de Imprensa; 2. Projeto de Deliberação n.º 7/VI(1.ª) - Delegação do Parlamento Nacional de Timor-Leste à Assembleia Parlamentar Asiática; no 3. Projeto de Deliberação n.º 8/VI(1.ª) - Criação de Grupos Parlamentares de Amizade na VI Legislatura.

Sr. Deputado no Sr.ª Deputada sira-ne'ebé halo intervenção mak: Sr. Gabriel Soares (CNRT), Sr.ª Maria Angelina Lopes Sarmiento (PLP), Sr.ª Maria Gorumali Barreto (CNRT), Sr. António Verdial de Sousa (KHUNTO), Sr. Antoninho Bianco (FRETILIN), Sr. Armando dos Santos Lopes (PD), Sr. Saul Salvador H. J. Amaral (CNRT), Sr. Dário Madeira (FRETILIN), Sr. Manuel Henrique Noronha (PD), Sr. Leandro Lobato (CNRT), Sr. Luís Roberto da Silva (KHUNTO), Sr. Antoninho Doutel Sarmiento (FRETILIN), Sr.ª Cedelízia Faria dos Santos (CNRT), Sr. José da Cruz (FRETILIN), Sr. Patrocínio Fernandes dos Reis (CNRT), Sr. David Dias Ximenes «Mandati» (FRETILIN), Sr. Francisco da Costa «Ikulay» no Sr.ª Veneranda E. M. Lemos Martins (CNRT), Sr. Joaquim dos Santos «Boraluli» (FRETILIN) no Sr.ª Aliança da Conceição Araújo (CNRT).

Sr.ª Presidente encerra reunião plenária ne'e iha tuku 13 liu minuto 16.

Sr.^a **Presidente** (Maria Terezinha da Silva Viegas): — Bom dia ba distinto Deputado sira hotu, ba audiência ne'ebé presente iha Plenária ida-ne'e no mós ba mídia ne'ebé acompanha ita-nia sessão ba ohin, dia 5 de setembro de 2023.

Horas hatudu tuku 09 liu minuto 16.

Molok atu fó início ba sessão plenária ida-ne'e, ha'u hakarak hato'o de'it katak infelizmente não temos quórum de funcionamento e agora já estamos às 9h16. Se não temos quórum de funcionamento, ha'u taka Plenária, ita hahú fali semana oin.

Ha'u husu ba bancada sira hotu atu preenche sira-nia cadeira, ho nune'e ita bele fó início ba ita-nia sessão plenária ohin nian.

Faz favor, Sr. Deputado Gabriel.

Sr. **Gabriel Soares** (CNRT): — Bom dia ba Sr.^a Presidente do Parlamento Nacional, ba colega distinto Deputado sira hotu no mídia.

Ita haree katak colega ida rua sei iha hela bancada, ne'ebe pelo menos ita fó cinco minutos hanesan ne'e para ita-nia Deputado sira bele hi'it an mai iha Plenária, tanba sira balu iha hela bancada.

Obrigado.

Sr.^a **Presidente** (Maria Terezinha da Silva Viegas): — Ha'u seidauk halo abertura ba ita-nia agenda ohin nian.

Sr.^a distinta Deputada Maria Angelina, quer pronunciar?

Se faz favor.

Sr.^a **Maria Angelina Lopes Sarmiento** (PLP): — Bom dia, Sr.^a Presidente em exercício.

Só queria informar também que os membros da Comissão B também estão a efetuar viagem de fiscalização, portanto, se não tivermos quórum hoje é porque alguns Deputados estão fora de Díli.

Obrigada.

Sr.^a **Presidente** (Maria Terezinha da Silva Viegas): — Agradeço, Sr.^a Deputada.

Sim, por informações, a Comissão B está de viagem para Oe-Cusse atender ao convite do Governo, da Fronteira Marítima, mas infelizmente os restantes Deputados estão todos cá e sabemos de antemão que hoje temos Plenária.

De maneira que vamos aguardando, se preenchermos o quórum de funcionamento, podemos continuar. Mas, pelos vistos já temos quórum de funcionamento, assim dou abertura à nossa sessão plenária e vou ler a agenda de hoje.

«Agenda n.º 19/VI(1.ª)

Reunião plenária de terça-feira, 5 de setembro de 2023.

Abertura às 09h00 ...» já estamos às 9h18.

«... Execução de Hino Nacional.

Período de Antes da Ordem do Dia:

1. Justificação das faltas da Sr.ª Deputada Maria Anabela Savio, do Sr. Deputado Marcos Xavier e do Sr. Deputado Leandro Lobato;
2. Intervenções diversas dos Senhores Deputados;
3. Intervenção do Sr. Vice-Ministro dos Assuntos Parlamentares sobre questões suscitadas pelos Senhores Deputados.

Período da Ordem do Dia:

1. Eleição de um membro para o Conselho de Imprensa;
2. Projeto de Deliberação n.º 7/VI(1.ª) – Delegação do Parlamento Nacional de Timor-Leste à Assembleia Parlamentar Asiática;
3. Projeto de Deliberação n.º 8/VI(1.ª) – Criação de grupos parlamentares de amizade da VI Legislatura.»

Assim, ha'u declara aberta sessão plenária ohin nian, 5 de setembro.

Antes ita atu hahú, ita hotu sei hamriik hodi executa Hino Nacional.

Se fazem favor.

Hotu-hotu hamriik hodi hananu Hino Nacional, Pátria.

Obrigada.

Ho nune'e ha'u husu ba técnicos e ocupantes cargos de chefia do Parlamento Nacional bele fila hikis ba sira-nia fatin hodi hala'o sira-nia serbisu.

Tuirmai, ha'u sei fó tempo ba Sr.ª Secretária da Mesa halo leitura ba agenda Período de Antes da Ordem do Dia, n.º 1.

Faz favor, Sr.ª Secretária.

Sr.^a **Secretária da Mesa** (Maria Teresa da Silva Gusmão): — Obrigada, Sr.^a Presidente em exercício.

Bom dia ba Ita-Boot, ba colega Deputado sira no rona-na'in sira.

«Requerimento de justificação de falta

Ex.^{ma} Sr.^a Presidente do Parlamento Nacional,

Maria Anabela Savio, Deputada ao Parlamento Nacional, pertencente à Bancada da FRETILIN, vem requerer a V. Ex.^a que se digne considerar justificada a falta dada à reunião de Plenário no dia 28 de agosto de 2023 por motivo de razões ponderosas, o que faz nos termos e para os efeitos previstos nos artigos 8.º, n.ºs 1, alínea b), 2 e 3, e 5, n.º 2, da Lei n.º 5/2004, de 5 de maio (Estatuto dos Deputados), e do artigo 10.º n.º 1, alínea e), do Regimento do Parlamento Nacional, publicado no *Jornal da República*, Série 1, n.º 4, de 11 de novembro de 2009.

29 de agosto de 2023.

A Deputada, Maria Anabela Savio».

«Requerimento de justificação de falta

Marcos Xavier, Deputado ao Parlamento Nacional, pertencente à Bancada do CNRT, vem requerer a V. Ex.^a que se digne considerar justificadas as faltas dadas a reunião de Plenário nos dias 28 e 29 por motivo de razões ponderosas, o que faz nos termos e para os efeitos previstos nos artigos 8.º, n.ºs 1, alínea b), 2 e 3, e 5, n.º 2, da Lei n.º 5/2004, de 5 de maio (Estatuto dos Deputados), e do artigo 10.º n.º 1, alínea e), do Regimento do Parlamento Nacional, publicado no *Jornal da República*, Série 1, n.º 4, de 11 de novembro de 2009.

04 de setembro de 2023.

O Deputado, Marcos Xavier».

«Requerimento de justificação de falta

Ex.^{ma} Sr.^a Presidente do Parlamento Nacional,

Sr.^a Maria Fernanda Lay.

Ex.^{ma} Sr.^a Presidente do Parlamento Nacional,

Leandro Lobato, Deputado ao Parlamento Nacional, pertencente à Bancada do CNRT, vem requerer a V. Ex.^a que se digne considerar justificada a falta dada à reunião de Plenário no dia 28 de agosto de 2023 por motivo de razões ponderosas, o que faz nos termos e para os efeitos previstos nos artigos 8.º, n.ºs 1, alínea b), 2 e 3, e 5, n.º 2, da Lei n.º 5/2004, de 5 de maio (Estatuto dos Deputados), e do artigo 10.º n.º 1, alínea e), do Regimento do Parlamento Nacional, publicado no *Jornal da República*, Série 1, n.º 4, de 11 de novembro de 2009.

04 de setembro de 2023

O Deputado, Leandro Lobato».

Obrigada.

Sr.^a **Presidente** (Maria Terezinha da Silva Viegas): — Atu informa ba distinto Deputado sira katak Vice-Ministro la bele hola fatin, maibé nia técnico sira tuur iha Sala Plenária ida-ne'e hodi foti dados ka informações ne'ebé Deputado sira foti.

Ho nune'e, ha'u loke ba inscrição ba intervenções diversas dos Srs. Deputados. Maibé, ha'u informa kedas katak ohin ita hahú iha 9h18, ho nune'e ita sei taka intervenções diversas iha 10h18. Ida-ne'ebé inscreve ha'u sei loke ba intervenção, maibé fora daquela hora, ha'u hanoin, ha'u sei la fó tan ba intervenção.

Molok atu hahú, iha-ne'e iha ona dois Deputados inscritos.

Ha'u hahú ho Deputada Maria Barreto.

Faz favor.

Sr.^a **Maria Gorumali Barreto** (CNRT): — Obrigada ba oportunidade.

Ha'u-nia bom dia no mós respeito ba Sr.^a Presidente em exercício no mós ba composição da Mesa, ba distinto no distinta Deputado sira hotu no ba audiência tomak.

Iha ha'u-nia intervenção ha'u foti kona-ba assunto bee moos.

Assunto bee moos, liuliu iha área Comoro, iha Bairro Moris Foun, Suco Comoro ne'e, la iha acesso ba bee moos iha fulan rua ikus ne'e. Uluk, antes Bee Timor-Leste hadi'a canalização bee moos, comunidade quase que hetan bee, maibé depois de hadi'a canalização, uma-kain hira mak to'o agora la iha acesso ba bee moos. Ne'ebe, husu ba Bee Timor-Leste atubele haree filafali nia problema ne'e iha-ne'ebé tanba uluk uma-kain sira-ne'e iha acesso ba bee moos, maibé canalização besi sira-ne'e mak keta sala aloca karik.

Tuirfalimai, iha mós ha'u-nia observação ba Bee Timor-Leste, iha semana rua liubá ha'u participa iha sira-nia inauguração tanque bee moos ninian, ne'ebé sira monta iha Posto Cailaco, Município Bobonaro ninian, ita haree katak Bee Timor-Leste halo canalização bee moos ne'e la'o capaz e fó acesso ba uma-kain 72 e fó acesso mós ba edifício público iha Posto Cailaco, ne'e la sala iha edifício

lima, inclui escola ensino básico iha Cailaco ne'ebá. Mas, nia questão mak ne'e, liuliu iha edifício público sira-ne'e, la prepara *viber* ka tanque bee nian ba sira oinsá atubele halo circulação bee iha escola tanba, bainhira ita ko'alia kona-ba bee moos, ita liga ho merenda escolar, liga ho higiene labarik sira-nian, ne'e problema boot.

Ne'ebe, iha oportunidade ida-ne'e, ba iha educação, karik Bee Timor-Leste la prepara *viber* ba *tampung* bee ne'e, então husu para Ministério da Educação koko atubele halo observação para bele prepara *viber* iha escola ne'ebé Bee Timor-Leste dada ona bee ba iha-ne'ebá.

Iha parte centro saúde mós hanesan, Bee Timor-Leste canaliza hotu bee tama iha centro saúde, mas nia problema mak precisa *viber* hotu, ne'ebe sugestão ba centro saúde mós, liuliu ba Ministério da Saúde, oinsá bele haree assunto ne'e, ho nune'e utilização bee moos la' o ho di'ak.

Iha assunto seluk mak ha'u foti kona-ba recurso humano iha saúde nian. Baseia ba observação no mós fiscalização ne'ebé hala'o, recurso humano iha posto saúde no mós centro saúde falta tebetebes, tanba ne'e atu recomenda ba Ministério da Saúde atu oinsá identifica filafali posto saúde no mós recurso humano ne'ebé desloca ba centro saúde no mós posto saúde, hospital *referral* sira-ne'e, atubele haree didi'ak, ho nune'e, hanoin ba iha plano 2024, karik bele, oinsá iha recrutamento ba recurso humano ne'ebé iha posto saúde balu falta.

Iha assunto saúde nian, iha parte balu mak hanesan foti beibeik ona, parte ida mak *oksigen* ne'ebé precisa tebetebes atu distribui ba posto saúde sira, tanba ita hotu hatene katak iha posto moras barak liu iha Timor-Leste ne'e maka *ISPA (Infeksi Saluran Pernapasan Akut)*, então, wainhira paciente sira acesso ba posto saúde, la bele atende tanba sira la iha *oksigen*, tem que refere ba centro saúde.

Ha'u hanoin, ida-ne'e mak ha'u-nia intervenção, e ikusliu mak médico sira ne'ebé balu iha hospital *referral*, balu iha centro saúde, barak mak agora retira mai hotu fali Díli, tanba ida-ne'e mak iha centro saúde ho posto saúde hasoru problema recursos humanos.

Obrigada barak.

Sr.^a **Presidente** (Maria Terezinha da Silva Viegas): — Muito obrigada, Sr.^a Distinta Deputada.

A seguir, Deputado António Verdial.

Faz favor.

Sr. **António Verdial de Sousa** (KHUNTO): — Muito obrigado, Sr.^a Presidente em exercício, componente da Mesa, Sr. Vice-Ministro la iha, colega distintos Deputados no Deputadas no maluk rona-na'in sira.

Primeiro, hodi Bancada Kmanek Haburas Unidade Nacional Timoroan, ho nia sigla P-KHUNTO, nia naran hato'o *congratulation*, parabéns, ba Secretário de Estado da Arte e Cultura, ne'ebé ho nia programa ida atu sensibiliza, hale'u território nacional kona-ba Código de Direitos do Autor e Direitos

Conexos, ne'ebe husu atu Secretário de Estado ho nia equipa nafatin halo sensibilização ba Timor laran tomak atu nune'e ema hotu bele compreende.

Segundo, hanesan Deputado ne'ebé mai husi Partido KHUNTO, nafatin husu ba Ministério da Educação, Juventude e Cultura atu tau matan ba assunto professores contratados, parciais no sira seluktan.

E nune'e mós, hanesan Deputado husi Uma-Fukun ida-ne'e, nafatin ha'u hafanun maluk organização não-governamental sira, quando halo pergunta mai Deputado – hatete horisehik, ha'u rona – katak Deputado iha IV no V Legislatura, liuliu Deputado ne'ebé trata assunto educação, la halo fiscalização iha terreno, husi Uma Lulik ida-ne'e, hanessan antecessor responsável iha comissão especializada permanente ne'ebé trata assunto educação iha V Legislatura, ha'u atu hatete de'it, ha'u la foti an, la gaba an no la gaba colega distintos Deputados no Deputadas ne'ebé haknaar an iha Comissão ida-ne'e iha biban tinan lima nia laran, maibé ha'u atu hatete katak tempo mak la favorece de'it, tempo mak la oportuno de'it atu ami halo ação operacional ba hale'u território nacional. Maibé, atu hatete katak Comissão G iha V Legislatura hala'o nia knaar ne'e ho excelente tebetebes.

Husi fatin ida-ne'e mós ha'u congratula ha'u-nia colega distinto Deputado no Deputada sira, no, ba futuro, ha'u atu husu katak fatin ne'ebé ami la bá iha biban hirak liu ona, favor ida, comissão especializada ne'ebé agora trata daudaun assunto ne'e, hakat hale'u território nacional tomak! Liuliu ita hanoin, relembra filafali katak VIII Governo la'ós la halo, lae! Halo, maibé biban mak la oportuno atu ita halo hotu. Tanba ne'e, ida-ne'ebé ita la halo hotu ne'e, liuliu ba ita, legislador sira-ne'e, favor ida hakat ba fatin hirak ne'ebé ha'u la temi.

Ha'u atu hatete katak, ha'u foti exemplo simples ida, iha rai Bobonaro, iha escola ida iha Aldeia Halekou, iha momento ne'ebá ha'u rassik ho ha'u-nia assessor no técnico ida bá iha terreno, iha-ne'ebá ha'u haree oan sira-ne'e tuur iha rai de'it, la iha cadeira, la iha Mesa, tuur iha rai de'it, han mós iha rai de'it! Ha'u-nia laran susar tebetebes tanba iha VIII Governo ita promete tiha ona atu ita tulun no halo netik sala rua fó ba sira, ha'u-nia laran ne'e susar liu wainhira semana kotuk ha'u bá iha-ne'ebá sira sei tuur iha rai nafatin.

Ne'ebe, husi Uma-Fukun ida-ne'e ha'u husu ba ita na'in-65, inclui ha'u, favor boot ida, la kleur tan Governo sei lori orçamento mai, ita orçamenta no hatuur orçamento ba Ministério da Educação atu fó netik espaço oan ida para fó netik fatin oan ida ba oan sira atu nune'e sira labele tuur iha rai tan. E, ha'u hatete katak ha'u promete ba sira katak «Hanesan Deputado, ha'u ema Maliana oan, ha'u sei bá mai liu iha fatin ida-ne'e no ha'u sei haree nafatin. Ha'u la iha kbiit. Karik ha'u mak hanessan Governo, agora kedas halo, maibé ha'u la iha kbiit. Maibé, hanesan Deputado, ha'u hatete ba imi, iminia halerik sei la monu ba rai». Quando ida-ne'e mak iha IX Governo ne'e no iha tinan lima nia laran ne'e la tau orçamento hodi halo, ha'u sei hakilar nafatin to'o ha'u sai husi Parlamento ida-ne'e.

Ikusliu, ha'u atu hatete ba Sr.^a Presidente, favor ida, iha orçamento tuirmai, ita 65 ne'e tem que hanoin ida de'it, neon ida de'it, laran ida de'it, atu ita labele tuur nafatin iha uma ida-ne'e. Se bele, ita hamutuk husu ba Governo tau osan para halo ita-nia Uma-Fukun, Parlamento Nacional.

Muito obrigado, Sr.^a Presidente.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

Ha'u taka ona inscrição, porque já temos aqui catorze inscritos.

Ba Sr. Calau, Sr. Antoninho Doutel, ha'u la bele simu ona, porque já temos aqui catorze inscritos, talvez fica para a próxima Plenária ou pode dirigir por escrito.

A seguir, distinto Deputado Antoninho Bianco.

Se faz favor.

Sr. **Antoninho Bianco** (FRETILIN): — Obrigado.

Bom dia, Sr.^a Presidente em exercício ho componente da Mesa, colega Deputado e Deputada sira.

Ha'u atu hatete assunto rua:

Ida, kona-ba comemoração dia 4 de Setembro liubá, hanesan representante povo husi Bancada FRETILIN, atu hato'o katak ita fó honra ba ita-nia herói ho mártir sira ne'ebé fó hela vitória mai ita, e mós honra ba sira ne'ebé uluk envolve no ita sira ne'ebé uluk envolve diretamente, Frente Armada, Frente Clandestina no Frente Diplomática, ne'ebe ita ohin loron idaidak ba partido fatin-fatin, maibé labele haluha katak dia 4 de Setembro resultado sai ne'e obra husi timoroan sira ne'ebé dedica sira-nia moris tomak. Ba ne'e, haluha tiha ódio no vingança! Iha-ne'ebé de'it ita hala'o serviço, iha Parlamento ka, iha Governo ka, iha Presidência ka iha Tribunal, povo sira iha parte ne'ebé de'it, haluha tiha ona ódio no vingança! Tempo atu fó honra ba ita-nia herói ho mártir sira no autor vivo sira ne'ebé ohin ne'e iha fatin-fatin, ne'ebé ita la bele temi, ita banati tuir hodi serbí ita-nia Rain ne'e no Povo ne'e ho lia loos. Lia loos mak dalan loos ba ita atu conduz ita-nia Rain ne'e atu liberta povo.

Ba ne'e, ohin, iha segunda parte, ha'u atu hato'o mós kona-ba serbisu ne'ebé balu ita la'o tiha ona em resultado hamutuk, liuliu honra mós ba Diretor-Geral Serviço Nacional Inteligência ne'ebé hala'o nia serviço independentemente. Iha aspiração pró no contra ne'ebé la'o, mai husi, ita acompanha, mídia no mós liderança sira hotu, mas o que certo é que buat balu que halo resultado di'ak, ohin loron ita moris hakmatek, então husi Bancada FRETILIN atu louva ba nia serviço ne'ebé durante nia halo. Mesmo que tinan rua de'it, ne'e la to'o, maibé esforço ne'ebé hala'o ne'e mós hanesan forma dedicação, firmeza iha princípio hodi luta ba Nação ne'e nia di'ak.

E ohin loron ita hatene katak ita mós hakarak sé de'it mak atu serbí, maibé ho laran mós, tem que serbí Nação ne'e ho laran mós, labele husik ita-nian mensagem negativa mak barak, depois ita atu lori Nação ne'e bá ne'ebé.

Ha'u fiar katak serbisu ne'ebé atu ba oin ne'e la fácil, maibé tem que fiar katak sé de'it mak serbisu ona tem que fó liman ba malu nafatin atu hateke buat ne'ebé di'ak ba ita-nia Nação ne'e. Ha'u fiar katak Nação, Estado direito democrático, sé mak assume responsabilidade iha Parlamento, iha Governo ka iha-ne'ebé de'it tem que halo tuir, hanesan ohin hatete, herói no mártir sira fó an, ita ne'ebé moris daudauk ne'e tem que fó an, iha serbisu, iha ne'ebé de'it tem que ho laran. Laran moos, neon moos no banati ita-nia herói ho mártir sira e husik ódio e vingança ne'ebé iha karik labele domina ita-nia fuan. Se ódio vingança ne'e mak iha ita-nia fuan, ha'u hanoin, Nação ne'e, ita ohin dehan «atu honra ita-nia herói ho mártir sira-ne'e», iha-ne'ebé. Estado de direito democrático, sé de'it mak uluk la consegue fó dedicação firme ne'e, ohin atu dedica firmeza iha processo luta libertação povo nian, tem que hatudu katak Rai ne'e la'ós hanesan ne'e de'it, maibé ita-nia povo simples ne'ebé iha fatin-fatin, ne'ebé ohin loron ita mai representa iha-ne'e, sira hateke ita, saida mak ita ko'alia, saida mak ita halo ba interesse Rai no povo ida-ne'e nian.

Mak ne'e de'it, ha'u-nia intervenção, honra no glória ba herói no mártir sira no continuadores ne'ebé agora daudauk ne'e, mai ita serbisu ba Nação, ba interesse povo no rai ne'e! La'ós interesse partido nian.

Obrigado barak.

Sr.^a **Presidente** (Maria Terezinha da Silva Viegas): — Muito obrigada.

Obrigado mós ba mensagem murak ne'ebé hato'o.

A seguir, distinto Deputado Armando Lopes.

Faz favor.

Sr. **Armando dos Santos Lopes** (PD): — Obrigado ba tempo.

Sr.^a Presidente Parlamento em exercício ne'ebé ha'u respeita, composição Mesa, distinto e distinta Deputado sira hotu.

Iha buat tolu ne'ebá ha'u hakarak hato'o:

Ida, iha observação ki'ik kona-ba Regimento Interno Parlamento Nacional ba ita Deputado sira, katak iha-ne'ebá ne'e iha segunda to'o terça ne'e ita iha Plenária, quarta e quinta iha comissão e sesta ita bele encontro ho ita-nia eleitor sira. Ami, Deputado foun, hakarak husu explicação uitoan relaciona ho ita-nia fiscalização comissão, ne'e ita bele hala'o iha segunda e terça? Tanba Plenária ne'e mós, ha'u hanoin, importante ida.

Segundo, iha quarta, dia 31 de agosto, iha cerimónia de lançamento programa *Zoom Meeting* iha Turiscai, iha Same, entre Escola Secundária Geral Católica São Francisco Xavier husi Austrália ho Escola Secundária Geral Católica Nossa Senhora do Rosário de Fátima Turiscai, iha-ne'e ha'u hakarak hatete katak escola ne'ebé hahú implementa *zoom meeting* ne'e iha área remota, escola

católica ne'ebé hahú colabora ho Governo, particularmente ho Ministério Educação, inicia meios qualidade de educação e meios qualidade ensino liuhosi TIC (Tecnologia de Informação e Comunicação). O objetivo é melhorar a qualidade de ensino e aprendizagem através de interação à distância entre alunos de diferentes países.

Iha-ne'e mós ha'u hakarak hatete katak ida-ne'e evento ida ne'ebé di'ak, ba ami Comissão G no mós ita hotu, katak orçamento geral, quando mai karik, ita mós labele haluha escola católica remota sira ne'ebé precisa, husu ita-nia suporte.

Além de ida-ne'e mós, iha fulan liubá ha'u foti questão husi Município Lautém relação ba manutenção trator tanba trator importante liu ba agricultor sira. Sira hatete mai ha'u katak 200 USD ne'e é melhor ami hili manutenção trator para ami bele fila ami-nia rai, tanba hahán ne'e mai husi ami-nia rai rasik.

Além de ida-ne'e mós, ha'u hakarak fó parabéns ba ex-Presidente Comissão G, ne'ebé ohin fó-hatene katak iha Bobonaro ne'ebá iha escola ki'ikoan ida to'o agora mós sira tuur iha rai. Ha'u hanoin katak ida-ne'e la'ós de'it iha Bobonaro, iha Maliana, mas iha Timor tomak sei barak, condição ida hanesan ne'e, tan ida-ne'e mak ha'u husu, tanto ba bancada ne'ebé iha Governo, tanto ba oposição, karik iha Orçamento Geral do Estado 2024 mai, relação ba problema educação, ha'u husu Ita-Boot sira ita para ita bele fó ita-nia votos iha unanimidade hanesan foin daudauk.

Obrigado.

Sr.^a **Presidente** (Maria Terezinha da Silva Viegas): — Obrigada, distinto Deputado.

Tuirmai, Deputado Saul Salvador.

Se faz favor.

Sr. **Saul Salvador H. J. Amaral** (CNRT): — Obrigado ba tempo.

Bom dia ba Presidente em exercício, composição da Mesa, colegas Deputados e Deputadas, mídia, técnico, povo doben Timor-Leste.

Ha'u atu foti questão rua:

Ida, liga ho área competência MCI (Ministério do Comércio e Indústria) nian, iha tinan barak que Governo anterior construi mercado ida iha fronteira Mota Masin, maibé até agora la funciona. Ha'u hanoin katak ida-ne'e gasta orçamento Estado, então ho presença IX Governo nian, atu haree assunto ne'e para bele funciona filafali, tau gestão ida ne'ebé di'ak, visitante sira husi Indonésia no mós husi Suai mak bá Atambua bele compra buat ruma iha mercado fronteira ne'e. Ha'u hanoin katak ida-ne'e, tanba Estado gasta osan lubuk ida, precisa tau matan.

Segundo mak, foin lailais ita aprova orçamento retificativo ho urgência, então ha'u hanoin katak hela de'it fulan tolu, ohin fulan setembro dia 5 ona, atu executa orçamento ne'e. E calamidade ne'ebé

mosu iha fulan kotukbá, até agora ponte, estrada balu seidauk normaliza, tanba ne'e mak, hanesan representante povo, husu Governo, liuliu Ministério das Obras Públicas, atu acelera normalização ponte ka estrada ne'ebé kotu.

Ida-ne'e ba Obras Públicas ninian.

Depois, ba SEFOPE ninian, ha'u atu foti mós kona-ba salário mínimo. Se bele, IX Governo, liuhosi SEFOPE, altera ona lei ida kona-ba salário mínimo 115 USD ne'e tanba ita haree katak ita-nia trabalhador sira-nia necessidade ne'e ho 115 USD la bele responde. Tanba ne'e mak, se bele karik, tempo ita-nia bele altera daudaun para aumenta tuir situação ne'ebé iha.

Ha'u hanoin, ida-ne'e mak ha'u bele hato'o, Presidente.

Obrigado.

Sr.^a **Presidente** (Maria Terezinha da Silva Viegas): — Muito obrigada, Sr. Deputado.

Iha ponto de ordem ida, mas só para este ponto de ordem porque temos tempo limitado.

Sr. Deputado Gabriel, se faz favor.

Sr. **Gabriel Soares** (CNRT): — Obrigado, Presidente.

Dala ida tan, bom dia ba Ita-Boot ho componente tomak, Deputado sira, audiência, mídia e povo doben Timor-Leste.

Sr.^a Presidente, ha'u foti ponto de ordem tanba simu mensagem ida husi ita-nia oan estudante sira iha universidade, comunidade ne'ebé sai cliente ba companhia *Telemor*, usa *sim card Telemor* nian. Sira hatete hela mai atu ha'u hato'o hela iha Uma-Fukun ida-ne'e, karik membro Governo sira la iha, maibé técnico sira iha, atu fó hela hanoin ba companhia *Telemor* tanba uluk pacote tarifário ba internet ne'e 2.50 USD, maibé hahú iha dia 1 de setembro nia sa'e tiha ba 3.50 USD. Ita-nia oan sira, liuliu estudante sira, barak mak usa *sim card* ida *Telemor* ne'e, preocupa tebetebes. Sira husu justificação, tanbasá mak companhia *Telemor* hasa'e tan tarifa 1 USD, uluk 2.50 USD e agora sa'e ba 3.50 USD.

Obrigado.

Sr.^a **Presidente** (Maria Terezinha da Silva Viegas): — Muito obrigada, Sr. Deputado.

Espera técnico sira husi Assuntos Parlamentares nian foti hela informação ne'ebé Deputado hato'o.

A seguir, distinto Deputado Dário Madeira.

Se faz favor.

Sr. **Dário Madeira** (FRETILIN): — Obrigado.

Bom dia ba Presidente em exercício, Vice-Presidente Parlamento Nacional, distinto e distinta Deputado sira hotu, povo doben Timor-Leste no rona-na'in tomak.

Ba loron ida-ne'e ha'u hakarak halo ha'u-nia intervenção atu fó de'it ha'u-nia apreciação ba Diretor SNI, Comandante Amico ne'ebé, ho fuan boot, simu decisão husi IX Governo hodi exonera nia.

Hanesan Deputado, ha'u aprecia ba IX Governo tanba IX Governo ninia promessa durante campanha consegue cumpre, «repõe ordem constitucional», significa ida-ne'e mak repõe ona. Maibé, ha'u mós iha ha'u-nia lamentação, será que nomeação foun, nia bele garante ordem constitucional? Bele garante justiça? Ne'e ha'u-nia perguntas. Será que troca Comandante Amico ho Diretor foun ne'e bele resolve problema sira ne'ebé acontece? Será que ho troca ne'e la partidariza instituição SNI? Tanba carta exoneração ne'e iha laran ko'alia katak Diretor SNI cessante ne'e partidariza SNI. Ne'e la'ós ha'u mak ko'alia, Comandante rasik mak ko'alia e ninia vídeo ne'e agora *viral* hela.

Triste uitoan, veterano 24 anos, nia iha kanek, maibé nia nunca kanek ho justiça, nia nunca kanek tanba nia halo injustiça ruma ba Estado ida-ne'e, ba Rai ida-ne'e, troca fali ho ida kanek boot. Será que ida-ne'e mak justiça? Ha'u ko'alia ida-ne'e tanba ne'e caso iha tribunal hela, Diretor ida ne'ebé atu troca. Estado ne'e atu bá ne'ebé?

Horisehik ita comemora 4 de Setembro, loron boot, ema hotu-hotu, ita hotu iha Plenária ida-ne'e sai sasin, la iha ema ida iha momento ne'ebá hakmatek. Ohin ita hotu sei hakmatek iha ita ida-idak nia fatin, maibé ema barak sente preocupado ho situação ida-ne'e, mas, la iha buat ida, decisão órgão ida-idak ninian. Ida ne'e ha'u ko'alia tanba ha'u representante povo nian, dala barak povo ko'alia hela assunto ida-ne'e então ha'u ko'alia iha fatin ida-ne'e.

Segundo, ha'u hakarak atu ko'alia, iha VIII Governo, iha Diretor balu halo declaração iha momento ne'ebá e Ministro mós momento ne'e halo, katak funcionário contratado, professor contratado atu transforma ba funcionário público e iha mídia sai ona, quatro mil professor contratado atu transforma ba funcionário permanente, ha'u-nia parabéns ba Governo. Maibé, funcionário barak ne'ebé avaliação desempenho tinan naruk ona, Governo uluk promete ona katak aumenta sira-nia salário ne'e, to'o ohin loron ne'e ninia continuação ne'e to'o ona iha ne'ebé ho IX Governo ne'e? Tanba professor barak to'o agora sei hein, tanba avaliação desempenho tinan barak quase mestre ho mestra sira ne'ebé hanorin estudante ne'e la goza sira-nia direito ida-ne'e. Avaliação, avaliação cada tinan maibé ninia mudança la iha ba salário, nafatin de'it, tanba ne'e mak ha'u ko'alia assunto ida-ne'e.

Ida ikusliu, ha'u fó ha'u-nia apreciação mós ba mestre e mestra sira iha território tomak ne'ebé ho Loron Referendo ne'e, 4 de Setembro ita rona resultado ne'e, celebra sira-nia atividade iha escola hotu-hotu hodi bele inspira ou motiva estudante hotu-hotu iha sira-nia escola, oinsá para estudante bele hatene kona-ba realidade 4 de Setembro iha altura ne'ebá. Ha'u-nia parabéns ba mestre hotu-hotu ne'ebé celebra loron boot dia 4 de Setembro nian hodi bele motiva, hodi bele inspira estudante sira, kuda nacionalismo ba estudante sira iha território tomak.

Obrigado barak.

Sr.^a **Presidente** (Maria Terezinha da Silva Viegas): — Muito obrigada, Distinto Deputado.

A seguir, Deputado Manuel Henrique Noronha.

Se faz favor.

Sr. **Manuel Henrique Noronha** (PD): — Di'ak, obrigado ba oportunidade.

Lou Presidente Parlamento em exercício mak ha'u respeita, composição da Mesa, distinto e distinta Deputado sira hotu, mídia no observador, rona-na'in sira hotu mak ha'u respeita, Vice-Ministro dos Assuntos Parlamentares, mesmo la mai maibé ha'u hatene katak técnico sira iha-ne'e, ho ida-ne'e la haluha bom dia.

Ha'u atu ko'alia assunto oan ida relaciona ho clima, ne'ebé mosu foun daudauk iha fulan-julho, acontece ponte no estrada aat barak iha território laran tomak, liuliu ita bele hatene katak iha Manufahi ne'e todan. Ho ida-ne'e, ita hotu hatene katak agora ita tama ona ba setembro, la kleur tan outubro, novembro, dezembro, e ita tama ba dezembro ne'e hahú fali udan boot ona. Udan boot hahú dezembro ne'e nia tem que tama to'o fali julho, ne'e fulan lima fulan neen nia laran, e agora estrada no ponte lubuk ida mak aat, ita hatene, iha IX Governo foin daudauk debate orçamento passa ba programa lubuk ida, maibé ita bele hatete katak se projeto ne'e ita sei hein *tender* mak hodi implementa, ne'e problema ida ba estrada no ponte ne'ebé importante hodi fó acesso ba transporte público, liuliu ita bele hatene katak husi Manufahi, ita husi Maubisse bá to'o Same Vila ne'e hasoru problema lubuk ida.

Por exemplo, iha estrada lubuk ida mak aat e husu, se bele, ministério relevante tau iha tempo badak. Se ita sei hein processo «tenderização» mak hodi halo implementação ba ponte no estrada sira ne'e, então tarde, tama ona iha dezembro ne'e com certeza estrada sira-ne'e aumenta aat tan.

Liuliu iha Same Vila, iha ponte oan ida no mós iha rai oan ida besik iha Same Vila ne'e mesak monu de'it. Se ida-ne'e mak ita la halo projeto emergência ida para facilita lailais estrada ne'e, ita tama iha dezembro hodi bá oin ne'e com certeza rai ne'e mesak monu aumenta de'it e impacto boot ida ba transporte público, liuliu ba serviço Estado nian e acesso ba comunidade no estudante hotu.

Tanba ne'e mak ha'u husu ba Vice-Ministro dos Assuntos Parlamentares, nia técnico sira bele hato'o ba Ministro hodi hatutan ba Ministério relevante, atu nune'e bele tau projeto emergência ida hodi atende hela estrada iha área Same nian.

E la'ós ba Same de'it maibé ba território laran ne'ebé importante, tanba ita hatene katak IX Governo hasoru polémica boot ida, aprova orçamento ida foin daudauk ne'e seidauk implementa e buat barak mak aat hela.

E, ita hatene katak dezembro, janeiro bá oin sei mosu tan problema barak ida tanba hakarak lakohi udan tem que iha, e, quando udan mosu ona mak acontece tan rai monu, estrada monu e ponte at.

Tanba ne'e mak husu ba ministério relevante, tau projeto emergência ida, urgência, hodi atende lailais estrada sira-ne'e antes processo sira-ne'e ne'ebé la'o normal!

Mak ne'e de'it, obrigado barak.

Sr.^a **Presidente** (Maria Terezinha da Silva Viegas): — Muito obrigada, Sr. Deputado.

A seguir, Deputado Leandro Lobato.

Se faz favor.

Sr. **Leandro Lobato** (CNRT): — Obrigado, Presidente.

Bom dia, Presidente no composição da Mesa, caros colegas Deputados hotu no especialmente ba povo doben Timor-Leste.

Di'ak, Presidente, ha'u atu levanta de'it questão ida-rua iha momento ida-ne'e:

Primeiro, liga ho lamentação maihusi povo agricultor de café sira, ligado ba plano Governo anterior nian, plano revitalização café iha município sira-ne'ebé café iha.

Plano ida-ne'e podia ser ita hahú ho plano piloto ka projeto piloto ida para depois ita hatene katak nia sucesso ka lae, mas ida-ne'e geral de'it, no fim sé mak sai vítima? Povo! Povo sira bá tesi sira-nia café, e ikusmai nia resultado revitalização ne'e la iha, tanba ne'e mak povo exige.

Será que Governo anterior husik hela nia plano ida-ne'e la iha resultado? Oinsá continuidade iha IX Governo nian? Mas di'ak liu mak ita hahú ho projeto piloto para ita bele hatene katak resultado ne'e iha ka lae. Lamentação ne'e mai husi povo agricultor de café sira, tanba ne'e mak ha'u hetan informação e ha'u tem que ser hato'o iha momento ida-ne'e.

Segundo, liga ba ita-nia trabalhador timoroan sira iha rai-li'ur. Ha'u hanoin atu husu ba Diretor Emprego Exterior atu foti to'ok dados ligado ba ita-nia trabalhador sira-ne'e, tanba trabalhador barak que sai bá serbisu, to'o iha-ne'ebá sira sai tiha husi sistema, sira bá ilegal tiha, liuliu iha Coreia no Austrália. Agora ita-nia trabalhador timoroan sira-ne'e barak que lori filafali sira-nia problema ba uma laran, em vez de serbisu para fó moris di'ak ba família mak primeiro, sira sai husik hela feen ho oan, bá iha-ne'ebá hola tiha fali feto seluk, nem hanoin dehan atu envia netik osan ruma mai sira-nia feen ho oan, tanba ne'e mak iha mós lamentação ligado ba atitude sira hanesan ne'e.

Ne'e indivíduo, ne'e problema ema nian, mas sai mós preocupação ida-ne'ebé ema hotu-hotu suspira. Karik ita tem que ser halo regra ruma que bele regula ema sira antes de bá serbisu. Agora, se bá serbisu atu fó garantia moris di'ak ba família, bá to'o iha-ne'ebá halo fali situação sira hanesan ne'e, automaticamente hanesan mós impedimento ka fó expectativa ba ita-nia povo katak serbisu ida-ne'e la iha resultado. Afinal de contas Governo cria serbisu ne'e atu, primeiro, fó moris di'ak ba família, segundo, ba iha sociedade.

Lamentação ne'e mós mai nafatin husi ita-nia povo sira, tanba ne'e mak ha'u husu ba Diretor do Emprego Exterior, di'ak liu haree dados ligado ho ita-nia trabalhador timoroan sira. Se sira continua hanesan ne'e, di'ak liu combina ho polícia sira, kaer, haruka fila! Para que nia bá serbisu que la fó retorno ida ka moris di'ak ida ba nia povo?

Ha'u hanoin katak ida-ne'e mak lamentação husi povo, ha'u hakarak informa iha momento ne'e.
Bom dia e obrigado, Presidente.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

Tuirmai, distinto Deputado Luís Roberto.

Se faz favor.

Sr. **Luís Roberto da Silva** (KHUNTO): — Obrigado, Sr.^a Presidente Parlamento Nacional. Bom dia ba Ita-Boot, ba membro da Mesa tomak, ba colega Deputado no Deputada sira, e bom dia mós ba povo doben Timor-Leste.

Iha-ne'e ha'u hakarak questiona, primeiro, mak kona-ba ita, Parlamento Nacional rasik, ne'ebé funcionamento la'ó di'ak ona, maibé husu nafatin ba Secretário-Geral Parlamento Nacional nian atubele monta ona chapa matrícula ba carreta pára fatin ne'e para Parlamento nia carreta ne'e pára tuir linha. Selae mak ita pára fatin mós la di'ak, ita la'ó fatin mós la di'ak, ne'ebe ita haree ba iha Parlamento ne'e sente ba ladún di'ak, la hanesan uluk fali, ita haree Parlamento ne'e hanesan fali mercado be pára carreta ne'e arbiru de'it ona. Ne'ebe husu ba Sr. Secretário-Geral atu haree ba ida-ne'e, chapa matrícula tem que tau tuir nia fatin para bele Deputado sira mai karik pára tuir nia fatin.

E, tuirmai maka kona-ba clínica iha Parlamento.

Dala barak ita bá consulta iha-ne'ebá ai-moruk ida mós la iha, ai-moruk me'ar no isin manas nian de'it mós ita husu ba la iha, ne'ebe halo nu'usá para ita bele coopera hamutuk ho Ministério Saúde nian bele fó ai-moruk mai para tau iha Parlamento Nacional ne'e, clínica ne'ebé loke iha-ne'e, para Deputado sira precisa urgente karik, consulta karik, ai-moruk ne'e bele iha ba ita.

Tuirmai maka – iha-ne'e Governo la marca presença, maibé husu ba técnico sira para foti nota – relaciona ho ita-nia jovem sira ne'ebé serbisu iha rai-li'ur.

Husu ba SEPFOPE atu ita-nia adido sira, assistente adido sira ne'ebé iha Coreia no mós iha Austrália atu halo nu'usá mak sira halo sira-nia serbisu ho di'ak, tanba ita-nia jovem sira bá serbisu iha-ne'ebá ne'e barak mak sai husi sistema.

Tanba saida? Iha Timor ne'e, agente internacional sira ne'ebé loke serbisu ba ita-nia timoroan, mai iha Timor ne'e assina contrato buat ketak ida, bá iha-ne'ebá halo buat ketak ida.

Por exemplo, assina contrato ho Timor ne'e dehan katak loron ida serbisu oito horas de tempo, mas to'ó fali Austrália ne'ebá sira reduz tiha fali ba seis horas de tempo, depois cinco horas de tempo,

então osan mós tuir ida-ne'e. E companhia barak mak selu ita-nia timoroan ladún di'ak ida, la baseia ba acordo ne'ebé ita halo, entre Governo rua ne'e halo.

Tuir ita-nia alin sira iha-ne'ebá ko'alia katak ita-nia adido sira iha-ne'ebá ne'e la halo serbisu máximo, la bá controla. Ne'ebe adido sira-ne'e sira-nia serbisu halo saida? Simu osan boboot, bá iha-ne'ebá hodi halo saida? Bá para passeio? Ne'e labele! Bá serbisu iha-ne'ebá mak quando ninia serbisu la di'ak, tem que halo mudança, troca! Troca ho ita-nia ema sira-ne'ebé merece duni para tau iha-ne'ebá para bele controla ita-nia ema timoroan sira ne'ebé serbisu iha-ne'ebá, selae companhia sira-ne'e halo ita-nia timoroan ne'e hanesan boneco mós. Ita considera katak herói ba iha desenvolvimento, maibé ita-nia ema sira bá iha-ne'ebá terus liu, tanba ida-ne'e mak sira dala ruma halai sai husi sistema. Ne'e adido sira precisa halo controlo ba ida-ne'e.

E ikusliu maka, ohin ha'u rona husi colega sira-nia pergunta balu, kona-ba lora fiscalização ba comissão sira-ne'e, loos duni katak iha quarta-feira no quinta-feira ba leten, ne'e loos! Tanba baseia ba Regimento, iha artigo 46.º ne'e hakerek momoos katak segunda-feira no terça-feira ne'e lora Plenária nian. Maibé filafali ba Presidente Parlamento mós admite ba ida-ne'e atu halo fiscalização, ne'ebe ha'u la hatene Presidente Parlamento sira-ne'e implementa buat ida regulamento baseia ba Regimento mak ne'e ka, baseia ba política Ita-Boot sira-nian mak ne'e ka, ita mós la hatene.

Ha'u congratula Ita-Boot Deputado foun sira ne'ebé husu pergunta kona-ba ida-ne'e, loos duni, segunda-feira no terça-feira lora Plenária, la'ós lora ba fiscalização, ne'ebe precisa hadi'a buat sira-ne'e. Karik horibainhira halo acolhimento ba Deputado foun sira-ne'e kala iha mudança ona karik, ita la hatene, maibé precisa haree ida-ne'e ho didi'ak, tanba ita hotu tem que baseia ba Regimento Parlamento ne'ebé guia ita iha Parlamento ida-ne'e. Ne'ebe husu ba Mesa tem que haree mós ba ida-ne'e.

Obrigado, Sr.^a Presidente.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

Antes de tudo, ha'u-nia parabéns ba Ita-Boot ba Ita-Boot nia lora casamento ne'ebé liu tiha ona...

Deputado sira basa liman.

... iha dia 1 de setembro. Voto de felicidades ba Ita-Boot ho família!

Tuirmai, iha ponto de ordem ida.

Sr. Antoninho Sarmiento, se faz favor.

Sr. **Antoninho Doutel Sarmiento** (FRETILIN): — Obrigado, Presidente, bom dia.

Ha'u iha ponto de ordem ida tanba ita, iha dia 22 ba kotuk ne'e, iha Plenária ida iha-ne'e, debate hela sobre necessidade básica sira ne'ebé folin karun, liuliu foos, mas ita hotu iha-ne'e ko'alia katak ita hein promulgação husi Presidente atu buat sira-ne'e bele tuun. Então, Vice-Ministro dos Assuntos Parlamentares iha-ne'e la iha, ha'u sente, técnico sira bele aponta hodi confirma, tanba ohin iha SMS sira mai, foos sira iha mercado ne'ebá ne'e folin sei aas nafatin.

Ha'u hanoin, ba ida-ne'e de'it mak ha'u buka atu hetan confirmação husi Governo.

Obrigado.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

A seguir, distinta Deputada Cedelízia dos Santos.

Se faz favor.

Sr.^a **Cedelízia Faria dos Santos** (CNRT): — Muito obrigada, Presidente.

Ha'u-nia bom dia no respeito ba Ita-Boot, Mesa, ita-nia Vice-Presidente Parlamento mak tuur iha-ne'ebá, Secretária, distintos Deputados, audiência, mídia no maluk rona-na'in Rádio Parlamento Nacional ne'ebé sempre sintoniza ita-nia transmissão direta.

Uluknanain, ha'u hakarak fó-hanoin de'it ba ita-nia IX Governo relaciona ho Portal de Transparência.

Ita hotu hatene katak Orçamento Retificativo Presidente promulga tiha ona no publica tiha ona iha *Jornal da República*, maibé, bainhira ha'u haree iha Portal de Transparência, montante ida-ne'ebé sei hatudu iha-ne'ebá mak montante ida anterior nian, 2.1 biliões. Inclui mós husi linha ministerial sira ne'ebé sofre alteração iha Orçamento Retificativo, ninia montante orçamento sei mantém hela, e, karik orçamento retificativo wainhira promulga ona, entrada ona em vigor, Portal de Transparência mós tem que ser halo ona ninia mudança iha-ne'ebá, tanba ne'e mak ita haree ninia execução ida inclui compromisso ho *obligation* ne'e nia foin mak 49% de'it. Se ita usa ona orçamento ida foin mak aprova iha Orçamento Retificativo, 1.9 biliões ne'e, ninia execução claro sa'e tiha ba 53%, significa execução di'ak. Tanba ne'e mak ami husu para Governo, liuliu Ministério das Finanças, atu halo mudança lailais ba número ida-ne'e.

Segundo, ha'u hakarak hatete mós, iha *Jornal da República* ninia publicação ne'ebé fó-sai iha *internet*, ida-ne'e nunca iha mudança uitoan. Ita haree katak Programa do Governo ne'e mós promulga tiha hotu ona, aprova tiha iha Parlamento, maibé publicação ida eletrónica ne'e seidauk hatudu nafatin, inclui mós orçamento retificativo.

Ita precisa haree didi'ak liderança ne'ebé agora lidera hela *Jornal da República* ne'ebá, oinsá mak sira serbisu. Ida-ne'e importante tebetebes, povo precisa atu hatene orçamento, lei sira ne'ebé aprova

ona ne'e tem que fó-sai duni. Agora, promulga tiha hotu depois nonook de'it, eletronicamente ita la haree, ne'e ladún loos, ne'ebe ami husu ba Governo atu tau atenção lai ba órgão ida-ne'e.

Ikusliu, ha'u hakarak fó-hanoin relaciona ho ai-hun boot ne'ebé monu foin daudauk, afeta tebetebes ba eletricidade. Se bele, ai-hun boboot sira iha Díli laran ne'e, ita haree antigo liu ona, perigo tebetebes ba ita-nia moris, ita-nia vida, e liuliu ba ema ne'ebé la'ó, carreta, Município Díli nian no mós ita-nia Secretário de Estado ou bombeiro sira tau atenção, tanba, ha'u haree, ai-hun boboot antigo ne'e barak tebetebes. Se ita mak halo prevenção de'it, ita gasta custo boot ida hanesan foin daudaun ne'e.

Foin daudauk ne'e ita haree ita-nia *traffic light* sira ne'e mós estraga hotu, eletricidade loron hira nia laran maka la lakan. Depois, ita iha Parlamento mós politiza tan, ita dehan fali ema liderança sira mak serbisu la loos, mas afinal buat ne'e sai duni husi ai-hun boboot sira-ne'e. Ida-ne'e mak ha'u fó-hanoin.

Tanba ha'u-nia tempo sei iha, ha'u fó-hanoin mós ba ita atu haree didi'ak mercado sira-ne'e. Tanba ha'u mós hela besik loos mercado Taibesi ne'ebá, ita-nia vendedor sira iha-ne'ebá ne'e atu usa de'it haris-fatin mós susar, depois bee moos iha mercado Taibesi ne'ebá ne'e quase la iha, *toilet* sira-ne'e la iha bee.

Depois, ema barak mak devia hela iha sira-nia uma mak bá fa'an iha mercado, mas maioria hela tiha mercado ona, então engarrafamento iha mercado ne'e mós boot tebetebes. Uluk liu dehan ona katak atu haree questão ne'e, maibé to'ó agora ita seidauk haree, ne'ebe ita trata povo ne'e ho digno uitoan.

Muito obrigada, Presidente.

Sr.^a **Presidente** (Maria Terezinha da Silva Viegas): — Muito obrigada, distinta Deputada.

A seguir, distinto Deputado José da Cruz.

Se faz favor.

Sr. **José da Cruz** (FRETILIN): — Muito obrigado.

Bom dia ba Sr.^a Presidente Parlamento em exercício, hamutuk ho composição da Mesa, representante Vice-Ministro dos Assuntos Parlamentares, caros colegas distintos Deputadas e Deputados, mídia no povo rona-na'in sira.

Iha-ne'e ha'u hakarak hato'ó de'it informação sobre ita-nia funcionário sira husi serviço quarentena iha linha fronteira sira.

Sira informa mai katak besik tinan ida ona sira-nia direito ba subsídio alimentação até agora sira la hetan, tanba ne'e mak hakarak informa hela iha-ne'e para nune'e técnico sira bele partilha ba ministério competente atubele trata assunto ida-ne'e ho sério, tanba ita-nia funcionário sira-ne'e

serbisu iha linha fronteira, sira-nia direito ne'e sira tem que hetan. Se tinan ida ona sira la hetan, ne'e ita precisa haree. Ne'e sério!

Segundo, relaciona ho festa ida iha Maliana iha fulan kotuk iha Ginásio Maliana, acontece distúrbio iha festa ne'e e *viral* tebes, situação ne'e contribui até ohin loron.

Ha'u-nia fim de semana iha Maliana, iha jovem sira kalan halo distúrbio, tuda malu, to'o ema nia uma vidro rahun, carreta vidro rahun, até comunidade inocente sai vítima ba hahalok sira-ne'e. Tanba ne'e husu ba Comandante PNTL Timor-Leste atubele fó chamada atenção ba comandante município ho ninia comandante operacional para bele otimiza sira-nia serbisu segurança nian, porque situação ne'ebé acontece iha semana rua-tolu nia laran labele continua, povo hakarak moris iha situação ida tranquila. Se semana rua-tolu situação hanesan ne'e de'it, quer dizer que precisa iha atenção máxima husi comandante-geral, selae, maka ne'e, povo la bele hetan descanso di'ak iha tempo kalan e sira la bele la'o bá-mai.

Ema ne'ebé sai vítima ne'e ema sira povo baibain, husi hahalok ne'ebé ita-nia jovem sira contribui. Tanba ida-ne'e husu ba técnico sira iha-ne'e atubele foti notas para bele partilha ba S. Ex.^a Vice-Ministro dos Assuntos Parlamentares.

Ponto tuirmai maka liga ba foos folin ne'ebé agora sa'e maka'as tebes.

E secunda mós Sr. Deputado balu ne'ebé foin daudaun hato'o kona-ba preço ba pacote *Telemor* aumenta. Ida-ne'e, ha'u hanoin, precisa hetan atenção husi Ministro Comunicação nian atubele haree assunto ida-ne'e, tanba ne'e preocupação público nian atubele acesso ba informação iha linha *internet*. Se ida-ne'e mak acontece beibeik, ita hatún taxa e sira hasa'e sasán nia folin, ha'u hanoin, ne'e problema boot ida.

Ha'u-nia hanoin mak de'it.

Obrigado barak.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

Tuirmai, distinto Deputado Patrocínio dos Reis.

Se faz favor.

Sr. **Patrocínio Fernandes dos Reis** (CNRT): — Obrigado.

Bom dia ba Sr.^a Presidente em exercício, Sr. Vice-Presidente, caros colegas Deputados, público tomak no povo doben Timor-Leste.

Primeiro, atu secunda ba intervenção sira hotu husi distinto Deputado sira relaciona ho preocupação povo nian.

Segundo, atu aproveita hato'o ami-nia agradecimento e apreciação boot ba dedicação tomak Diretor Serviço Nacional de Inteligência cessante, Comandante Amico, nian, veterano boot ida ne'ebé

continua hatudu ninia dedicação. Compromisso sira 24 anos ninian kona-ba libertação da Pátria continua nafatin, contribui hodi harii, hametin no consolida nafatin Estado ida-ne'e, agradece ba dedicação sira-ne'e hotu. Ao mesmo tempo parabéns ba novo diretor ne'ebé hetan confiança husi IX Governo constitucional.

Nafatin ita hanoin katak ita timoroan hotu-hotu, la iha ema ida sei hanoin aat ba Estado, ba Nação ida-ne'e. Ita hein katak ho diretor foun bele hadi'a di'ak liután serviço inteligência nian hodi contribui informação sira ne'ebé bele assegura Estado no Nação, atu kaer nafatin ninia princípio nu'udar Estado de direito democrático e Estado independente.

Ha'u hakarak atu fó-hanoin mós katak, liuliu ko'alia kona-ba foos, informação sira tama, mesmo ita hanoin katak orçamento retificativo ita consegue introduz artigo sira hamenos taxa, maibé folin foos continua sa'e, no, aat liután, sa'e maka'as liu iha município no mós área rural sira, iha fatin balu foos consegue sa'e to'o 20 USD. Ida-ne'e susar tebetebes ba ita-nia população sira-nia poder de compras iha-ne'ebá.

Ne'ebe, ha'u hanoin, ita compreende, talvez tanba impacto husi taxa ne'ebé sa'e ne'e iha tempo ne'ebá ita seidauk bele sente iha janeiro, fevereiro, março e abril mai, tanba loja sira nafatin sei iha hela *stock* ida tuan, e agora mak ita foin sente ida-ne'e tanba *stock* foun ne'ebé baseia ba ida-ne'e. Então, foos nia folin foin sa'e, sasán necessidade básica sira-nia folin foin sa'e, tanba ita-nia empresário sira seidauk bele consegue hatama sasán baseia ba mudanças ne'ebé ita halo iha orçamento retificativo.

Então, nu'udar bancada Governo, ha'u hanoin atu sugere de'it ba Governo, iha situação ida hanesan ne'e, ita iha orçamento dotação de todo o Governo, se bele karik Governo haree to'ok alternativa ruma, halo lailais intervenção ida ba mercado, liuliu foos, ita iha CLN, se bele CLN halo lailais intervenção ida ba mercado para tempo ida lailais de'it ne'e atubele fó biban ba ita-nia população sira, liuliu ba foos ne'e.

Ha'u hanoin, ida-ne'e mak ha'u hakarak atu fó-hanoin tan iha-ne'e, ne'ebe ne'e importante, liuliu ba foos.

Preocupação sira seluk ne'ebé ohin Deputado sira foti pertinente hotu, mas, ha'u hanoin, buat ne'e foin fulan ida fulan rua, ne'ebé ita neineik uitoan bá, la'o, ita bá nafatin, considera nafatin preocupação povo sira-nian ne'e, tau nafatin confiança ba Governo atu hala'o. Mas, ha'u hanoin, intervenção ida ba mercado, liuliu ba foos, se bele Governo tau atenção ba ida-ne'e, liuliu bolu atenção ba CLN atu haree situação ida-ne'e.

Obrigado.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

Tuirmai, distinto Deputado David Mandati.

Se faz favor.

Sr. **David Dias Ximenes «Mandati»** (FRETILIN): — Obrigado, Presidente, bom dia.

No bom dia ba maluk Deputado sira hotu.

Ha'u mai reitera nafatin de'it ha'u-nia postura kona-ba ita-nia restos mortais. Ita-nia herói sira merece ita-nia respeito, ita-nia herói sira merece ita-nia estima, ita-nia herói sira merece ita-nia consideração.

PDHJ começa halo ona nia diligências atu buka ita-nia resto mortal sira-ne'e, Diretor de Chega! insiste Parlamento Nacional para apressa ratificação da Convenção das Pessoas Desaparecidas.

Ita iha-ne'e iha facilidade ona, ita identifica ona, então ita haree ona kona-ba testemunhas, ita lalika dehan autores, ne'ebé bele ajuda ita iha assunto ida-ne'e, horisehik horibainrua ita fó-sai tiha ona. Sira mós uitoan de'it ona iha Indonésia ne'ebá porque barak mate tiha hotu ona, e ita tem que aproveita sira-nia vida ida-ne'e para ita labele hetan risco ne'ebé ita hetan mais tarde, resposta negativa, e ita-nia herói ho mártir sira ne'ebé lakon, ita haluha tiha de'it. Ne'e maior sacrilégio ne'ebé ita bele comete.

Tan saida mak ha'u insiste? Ha'u iha-ne'e de'it ha'u-nia lian ida-ne'e ninia coro uitoan loos de'it, hanesan fali ita sira iha-ne'e la iha ema ida ne'ebé kanek ba situação uluk ne'ebá. Ita atu ignora tiha de'it, ita hotu-hotu, la ko'alia, la apressa, ita la fó valor. Iha-ne'e ha'u haree duni katak ita retórica mak maka'as, ita buka polémica fali de'it. Quando ita ko'alia temi kona ona ita heróis e mártires, ita busca formas de como ignorar.

Ha'u bele admira katak se moris sira mós ita la fó valor ona, fará mais mate sira. Às vezes ema barak bele hamnasa tan ha'u, dehan katak «este homem é um tolo, anda preocupado pelos mortos, em vez de importar pela vida dele nesta posição em que ele pode fazer muito aproveitamento». Ne'e la'ós bom senso.

Ita mai respeita malu uitoan. Ita, quando ko'alia, bele karik intervenção husi técnico sira la bele sa'e, favor boot ida! Porque Presidente tem que fó atenção mai ami ko'alia. Ne'e sala! Por favor, ha'u critica, porque assunto ne'ebé ha'u foti la'ós mai ita sira-ne'e de'it, ba mate sira, mate sira ne'ebé quase ita atu haluha hotu tiha de'it ona. Ha'u, quase 20 anos iha-ne'e, ko'alia mak matebian sira-nian ne'e, to'o ohin loron ha'u seidauk iha resposta ne'ebé loloos. To'o ohin loron ita seidauk bele respeita malu.

Ita hanoin katak ita sira-ne'e hanesan tiha de'it, la hanesan! Ita la hanesan! Bele democracia, mas ha'u dehan, ita la hanesan, ita bele discute democracia ida-ne'e. Democracia num país pós-conflito la hanesan ho países livres de longa data, la hanesan! Lalika temi democracia iha-ne'e!

Ita, quando temi democracia, lalika ko'alia kona-ba partido, ita ko'alia kona-ba sé mak sé, ida-ne'e mak ita la'o loos. Karik ita kaer de'it democracia ne'e *bulat-bulat*, ne'e ita lohi malu, ida-ne'e mak ita desvaloriza malu to'o ohin loron.

Ne'e mak atu dehan katak, mai ita valoriza malu! Quando ita começa ona valoriza malu entre ita, ita sei hadomi malu, porque o amor só existe dentro do valor. Quando não há valorizações recíprocas, não pode haver amor, difícil! Ne'e mak ha'u husu para ita preocupa ho ita-nia resto mortal sira-ne'e, favor boot ida!

Ida tan fali, ohin ha'u-nia maluk Deputado ko'alia kona-ba ai-hun boot sira iha Díli laran, parece que iha razão – la'ós parece que iha razão, iha duni razão. Maibé ai boot sira-ne'e, bele karik, ita ko'alia to'ok ho serviços florestais para sira avalia ita-nia ai-hun boot sira-ne'e ida-ne'ebé bele ita tesi, ou então ita poda, la'ós tesi hotu kedas, porque se ita tesi hotu ai boot sira-ne'e, corremos o risco de ita ne'e bele criticado husi meio ambiental, ita-nia Secretário de Estado do Meio Ambiente mós iha, nia bele critica fali. Nia tenta kuda fali ai, ita tenta tesi tan fali, uma contradição entre nós.

Ida tan fali, ha'u atu dehan de'it iha-ne'e, Sr.^a Presidente, críticas do Presidente da República à atuação do Governo. Governo tenta ordena ita-nia cidade, ita-nia Presidente da República critica, é mesma coisa que desautorizar o próprio Governo.

Karik bele, parece que semanalmente ita-nia Primeiro-Ministro ho Presidente da República hasoru malu, sira na'in-rua ko'alia tiha kedas, do que Presidente da República ir às mídias, mídia social, ne'e dehan katak é mesma coisa que desautorizar o nosso Governo. Quando ita desautoriza ita-nia Governo, respeito passa a ser mínimo.

Ida-ne'e mak ha'u hakarak hato'o.

Muito obrigado.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

Iha ponto de ordem.

Deputada Cedelízia, faz favor.

Sr.^a **Cedelízia Faria dos Santos** (CNRT): — Obrigada, Presidente.

Ha'u, em relação ho intervenção Deputado David nian, daudauk iha notícia kotuk ha'u rona fó-sai husi centro Chega! nian katak ita, Parlamento, mós maka seidauk ratifica Convenção kona-ba Ema Lakon nian. Ha'u hanoin, ida-ne'e papel Comissão B nian.

Se ita hakarak lori fila ita-nia saudoso sira-nia isin-mate ou ema sira iha Indonésia, ita tem que ratifica hotu lai Convenção kona-ba Ema Lakon. Ha'u hanoin, ida-ne'e papel, serbisu Comissão B nian, se ha'u la sala, tanba ha'u hatene Deputado David mós iha tempo barak mak iha Comissão B. Se bele, ita haree didi'ak, se ita bele ratifica tiha convenção ida-ne'e, karik fó mós dalan ba ita-nia Governo bele halo serbisu. Ida-ne'e ha'u acompanha iha notícia, ida-ne'e mak karik balu la acompanha, então ha'u fó-hanoin filafali.

Obrigada, Presidente.

Sr.^a **Presidente** (Maria Terezinha da Silva Viegas): — Muito obrigada, distinta Deputada.

De facto informação ne'ebé ita hato'o... maibé ha'u fó ba distinto Deputado David um ponto de ordem para pronunciar sobre a convenção em si.

Se faz favor.

Sr. **David Dias Ximenes «Mandati»** (FRETILIN): — Muito obrigado.

Ida-ne'e la'ós Comissão B, ida-ne'e Governo, Ministro dos Negócios Estrangeiro lori mai ita ratifica iha-ne'e.

Muito obrigado.

Sr.^a **Presidente** (Maria Terezinha da Silva Viegas): — Claro, husi Governo apresenta e o Parlamento ratifica, talvez iha informação balu maka la claro.

Ho nune'e, tuirmai ha'u fó ba distinto Deputado Francisco da Costa «Ikulay».

Se faz favor.

Sr. **Francisco da Costa «Ikulay»** (CNRT): — Obrigado, Presidente em exercício, Vices no *Sekretaris*, distinto Deputado sira hotu, bom dia ba ita hotu.

Iha dadeer ida-ne'e ha'u hakarak hato'o ponto rua de'it:

Ida, kona-ba existência AIFAESA ka Autoridade Inspeção no Fiscalização ba Atividade Economia no Sanitária e Alimentação.

Segundo, ha'u hakarak hato'o mós kona-ba escola ensino básico filial primeiro ciclo ka segundo ciclo Hans Klemm, Bairro Pite, iha Ponte Maloa.

AIFAESA, Estado ka Governo harii AIFAESA ne'e hakru'uk ba Constituição da República, artigo 53.º, ne'ebé hatete kona-ba direito dos consumidores, e ha'u-nia observação durante ne'e katak ukun-na'in sira no povo barak sai vítima.

Exemplo ida mak ita-nia vendedor sira ne'ebé fa'an na'an iha mercado iha Díli, incluído mós iha município hotu-hotu kedas, dala barak ita bá sosa na'an 5 kg bele sai fali 3 kg de'it, e balu bá sosa 2 kg dala ruma bele hela de'it ho 1 kg. Ne'e realidade ne'ebé acontece, dala barak mai ha'u ata mós, ha'u la hatene durante ne'e ha'u-nia Na'i Deputado sira ho membro Governo sira, na'i-ulun sira, acontece ba sira ka lae. Mas, ha'u-nia acompanhamento durante ne'e, acontece ba hotu-hotu, to'o nível kraik mós sira sente katak buat ne'e acontece ba sira-nia vida rasik, mas ne'e nunca levanta iha Parlamento Nacional. Só que, colega Deputado sira, ha'u acompanha durante ne'e nunca apresenta, tanba ne'e mak ha'u obriga an hakarak apresenta de'it.

Tan ne'e, ha'u hanoin atu hato'o ba AIFAESA, se precisa, sira lori sira-nia direito ida ne'ebé consagra duni, Decreto-Lei n.º 23/2009, de 08 de junho, Regime das Infrações Administrativas Contra

a Economia e Segurança Alimentar, bele aplica quando acontece buat sira hanesan ne'e. Husu ba AIFAESA continua hala'o nia atividade fiscalização ba ida-ne'e atubele controla oinsá sira bele evita buat sira hanesan ne'e.

Se AIFAESA la iha plano di'ak ida atubele controla, rame-rame ka conjunta, hamutuk tiha mak mosu bá, claro que impossível atubele deteta buat sira hanesan ne'e. AIFAESA iha kbiit, iha capacidade oinsá bele gere, maneira saida, para bele deteta atividade sira hanesan ne'e, tanba *termasuk* AIFAESA nia ema mós dala ruma sai vítima ba hahalok sira hanesan ne'e, mas la iha ida que bele fó atenção.

Terceiro, ha'u hakarak ko'alia kona-ba escola ensino básico filial primeiro ciclo no segundo ciclo Hans Klemm Bairro Pite, iha Ponte Maloa.

Oan barak escola iha-ne'ebá dala barak ne'e professor balu abandona hela ninia dever ida nu'udar professor ne'e.

Ita deteta ne'e iha-ne'ebé? Ita deteta wainhira oan sira bá escola fila mai uma, ita husu ba sira: «Matéria ohin leron nian mak ida-ne'ebé? Sira dehan: «Professor mai dukur be haruka ami dukur toba hotu».

La'ós ne'e de'it, dala barak mós ita husu: «Matéria ohin leron mak ne'ebé?» Sira hatan: «Professor moras be la mai, professora família mate be la mai, professora iha mas lakohi hanorin».

Favor ida, Comissão F, ha'u hanoin, tutela mós ba Comissão F nia knaar karik ha'u la sala, favor ida comissão ne'e precisa ho maneira ruma, leron ruma fó mós atenção, bele mosu to'ok ho de repente, nune'e ka lae. Se ita bá ho conhecimento, ba horas ho claro, impossível mós ita atu deteta buat sira-ne'e.

Ha'u hanoin, tanba ha'u-nia tempo ne'e hotu daudaun ona, obrigado barak.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

A seguir, ponto de ordem. Deputada Veneranda Lemos, está registado aqui um ponto de ordem da Deputada.

Se faz favor.

Sr.^a **Veneranda E. M. Lemos Martins** (CNRT): — Obrigada ba oportunidade, Sr.^a Presidente em exercício.

Dadeer di'ak ba ita hotu.

Lailais de'it, atu fó-hatene ba Mesa, karik bele halo reencaminhamento ida ba Ministério da Saúde no mós Ministério da Justiça, ne'e assunto urgente loos, iha alin ki'ikoan ida agora daudauk baixa hela iha hospital, nia iha problema ho ninia fuan, katak oxigénio la to'o iha nia ulun, e junta médica acho

que iha tiha ona, maibé agora daudauk precisa mak passaporte para bele evacua alin oan ne'e bá rai-li'ur para bele halo tratamento ho didi'ak.

Ha'u ko'alia verbalmente ona ho Chefe Gabinete Ministério da Saúde nian, maibé questão ida agora ne'e questão de passaporte. Favor ida, Mesa, reencaminha lailais assunto urgente ida-ne'e, ba alin oan ne'e.

Obrigada.

Sr.^a **Presidente** (Maria Terezinha da Silva Viegas): — Agradece ba informação, distinta Deputada.

Se bem que hato'o por escrito a ver se Mesa bele encaminha ba Ministério, os dois ministérios competentes.

Tuirmai, distinto Deputado António Moniz Calau.

Se faz favor.

Sr. **António Moniz Calau** (FRETILIN): — Desculpa, ha'u retira.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

A seguir, distinta Deputada Helena Martins.

Se faz favor.

Sr.^a **Helena Martins** (FRETILIN): — Obrigada ba oportunidade.

Bom dia ba Presidente em exercício, composição da Mesa, colegas Deputados, audiência, mídia, povo Buibere no Maubere.

Primeiro, ha'u-nia crítica ba Mesa tanba ohin ha'u mak inscreve, depois de ha'u-nia camarada Bianco inscreve ha'u inscreve, sira seluk ne'ebé bolu ikus ne'e tama ikus, ne'ebe karik técnico mak la atenção karik, labele hanesan ne'e beibeik!

Tuirmai, ha'u hakarak atu haforça nafatin ha'u-nia camarada sira-ne'ebé ohin foti ona questão kona-ba troca Sr. Diretor cessante SNI nian, Sr. Domingos de Câmara «Amico», ne'ebé ninia mandato ne'e sei falta tinan rua, tanba saida maka hetan lailais exoneração ida-ne'e. Ita hotu-hotu oinsá mak fó contribuição para Rai ida-ne'e ninia desenvolvimento ne'e la'o bá oin, labele lori ódio vingança maka hodi halo fali exoneração ne'e karik.

Tuirmai, público nonook, universitário sira nonook, académico mós nonook, organizações não-governamentais, hotu-hotu nonook, pena! Ema ne'e veterano 24 anos, maibé ita hotu-hotu nonook, ne'e sinal katak injustiça boot mosu iha Rai ida-ne'e.

Depois, saida maka acontece ba oin? Senhor ida-ne'ebé sei iha problema, ita la tau questão kona-ba ema, bele de'it, maibé factos ne'ebé hatudu iha mídia katak nia ne'e iha duni problema. Ema ka'er

katana de'it, lori fatuk de'it, povo lori fatuk, lori katana de'it ita tem que *borgol* lori kedas bá comarca, ida-ne'e dehan fali lae, tanba ne'e mak ita hotu-hotu precisa halo avaliação hamutuk ba questão ida-ne'e.

Ha'u nafatin fó ha'u-nia apreciação ba decisão ida-ne'e, no fó força no coragem ba ha'u-nia colega veterano Sr. Domingos de Câmara «Amico», força e coragem! Timor ne'e ita precisa hamriik nafatin iha nia leten, atu hasoru situação saida de'it, nia mós fuan boot atu simu.

Tuirmai, kona-ba restos mortais. Restos mortais, quando mai tinan lima ba kotuk, segunda-feira no terça-feira ami simu beibeik de'it kona-ba ida-ne'e, tanba ne'e mak iha V Legislatura ita aprova ona resolução ida hodi encaminha ona atu oinsá maka Governo halo continuidade ba ita-nia resolução ida-ne'e. Pena que to'o agora ninia continuidade ne'e seidak iha nafatin, tanba ne'e mak dala ruma ema sira be herói no mártir, ne'ebé fó sira-nia vida, condena hela ita sira-ne'ebé moris ne'e, halo ita halo sasán hotu la tuir ninia dalan. Tanba ne'e maka sira-nia mate merece ita-nia honra no entrega ba fali família atu hakoi ho digno. Ida-ne'e tuir cultura Timor-Leste nian. Labele maka tinan 24 ona ita ukun an, depois sira-nia paradeiro ne'e to'o agora la hatene nafatin, lori lakon husi avião mak bá hatún hela iha tasi laran ka, iha rai maran mak soe hela de'it iha-ne'ebé, pelo menos fó-hatene netik ba família. To'o agora lamentações husi família ne'e sei barak tetebes.

Tuirmai, ba necessidade povo ninian, liuliu kona-ba foos ne'ebé ohin colega sira foti, masin-midar ninia folin tun fali ona, pena que foos ne'e sa'e tiha ona, iha município, iha posto administrativo, ba 22 USD.

Ne'e questionável, tanba ne'e maka labele dehan katak hatún ona taxa ne'e atu tun. Agora mak ita foin sente katak afinal taxa ne'e tun ba de'it masin-midar, e povo hatene katak hemu café kala loran ida dala ida dala rua, maibé foos ne'e mak necessidade ida-ne'ebé importante no básica tebetebes iha família ida-idak, quanto mais ita-nia produção la iha.

Tuirmai, bee mós iha Díli laran – la'ós de'it iha Díli laran, maibé iha Município mós – halo canalização sira-ne'e kotu la fó informação ba comunidade. Liuliu ami-nia hela fain iha Delta, Fomento I e II ne'e semana rua ona ami la acesso ba bee moos, ami halai tun sa'e ba aluga fali *tanki* mós dala ruma *tanki* la bá uma, tanba ne'e mak, favor ida, oinsá encaminha hela ba.

E ikus liu, ba ita-nia maluk sira no alin sira ne'ebé uluk serbisu hamutuk ho *UNTAET* (*United Nations Transitional Administration in East Timor*) no *UNAMET* (*United Nations Mission in East Timor*), sira mós precisa atribui certificado ruma ba sira.

Sira hatete katak «ami la husu subsídio, maibé ami mós husu oinsá na'in hira bele halo Estado reconhece ka halo netik reconhecimento ida liuhusi surat tahan ka certificado ruma, tanba uluk ami mós, iha situação difícil, fó ami-nia dedicação tomak. Ami-nia colega sira balu tem que mate, balu tem que lakon, tanba ne'e mak labele ba de'it associação sira seluk maibé imi bele reconhece netik ami iha ami-nia knaar ne'ebé hanesan *juru bahasa* iha *UNAMET* no *UNTAET*».

Ida-ne'e mak ha'u hakarak atu fó no mai ita hotu-hotu oinsá mak la'ó hamutuk hodi desenvolve País ida-ne'e tanba ita hotu-hotu timoroan, ne'ebe ita labele halo discriminação beibeik ba malu.

Obrigada, Sr.^a Presidente.

Sr.^a **Presidente** (Maria Terezinha da Silva Viegas): — Muito obrigada, distinta Deputada.

Em primeiro de tudo atu hato'o ha'u-nia desculpa tanba karik ohin técnico sira mak regista ikus ba distinta Deputada nia intervenção.

Ho nune'e ita termina ita-nia sessão plenária ba ohin.

Atu fó-hanoin mós katak informações ne'ebé ohin distinto Deputado sira foti, liuliu relaciona ho ita-nia fiscalização, ne'ebé liga mós ho papel comissão hotu-hotu nian, quase a maioria das comissões, hahú husi comissão A ne'ebé liga ho passaporte ne'ebé ohin distinta Deputada Veneranda foti, B, C, D, E, F, G, husu ba distinto Deputado sira, karik papel ba ita-nia fiscalização ne'e favor identifica problema ne'ebé ita hasoru iha kraik atubele encaminha ba Governo nu'udar executor ba programas e planos, tanba ne'e mak halerik sira-ne'ebé hato'o ne'e cabe ba Deputado sira atu fó seguimento ba Executivo sira-nia knaar, ita-nia papel mak fiscalização. Será que já estão de acordo com aquilo que aprovámos, ida-ne'e papel ita hotu nian atu tau hamutuk hanoin, liuliu papel de fiscalização dos distintos Deputados.

Nune'e mós liga ba convite ne'ebé Deputado sira hato'o kona-ba Comissão B, feliz ou infelizmente atenderão convite da Fronteira Marítima. Loloos, hanesan iha líder da bancada liubá husi Mesa hato'o katak segunda e terça são dias de Plenário, hanesan ohin Deputado Armando foti, mas, infelizmente kala despacho ne'e liu tiha ona, ontem, dia 4 de setembro, sira tem que atende convite ne'ebé mai husi Gabinete Fronteira Marítima ninian, karik liga ho ita-nia fronteira terrestre no marítima iha Naktuka, Oe-Cusse ninian.

Nune'e mós ba distinto Deputado sira hotu, ha'u hakarak atu informa hikas fali katak ba distinto Deputado foun sira-ne'ebé seidak atualiza declaração de bens, ba tuan sira mós, ita-nia data limite ne'ebé fó husi Tribunal de Recurso nian até 15 de setembro, faltam apenas 10 dias para fazer a inscrição ou declaração de bens, tanto assim atualização ba declaração de bens husi Deputados ne'ebé reeleitos.

Iha mós assunto barak, balu ne'ebé Deputado sira foti, ha'u hanoin, em coordenação ho Governo, liuliu liga ba restos mortais ne'ebé fila-fila Deputado David, Deputada Helena, foti iha Plenária iha V Legislatura mai to'o ohin, ho nune'e ita sei, em coordenação ho Vice-Ministro dos Assuntos Parlamentares, haree convenções ka propostas de lei ne'ebé precisa atu halo alteração atu tau em prioridade tanba ainda temos o setembro no todo, tanto assim outubro, para ita exerce ita-nia papel nu'udar Deputado em relação ba feitura das leis no mós fiscalização ba iha atos do Governo.

Molok atu taka, ha'u sei fó ponto de ordem ba distinta Deputada Cedelízia dos Santos.

Faz favor.

Sr.^a **Cedelízia Faria dos Santos** (CNRT): — Obrigada, Presidente.

Ha'u-nia ponto de ordem ne'e liga ba questão kona-ba ita oinsá atu hetan *password* para bele tama ba *site* ka *situs* ida hodi halo declaração ricosoin ne'e, tanba to'o agora seidauk simu *password* ruma. Ne'ebe ha'u husu favor ba Mesa, bele contacta ho sira técnico para bele manda mai ami-nia *e-mail* ou ami-nia *WhatsApp* – ha'u hanoin, *WhatsApp* di'ak liu – para ami bele preenche lailais para labele contra regras.

Obrigada, Presidente.

Sr.^a **Presidente** (Maria Terezinha da Silva Viegas): — Agradece ba informação, distinta Deputada.

Se organiza husi *IT* Parlamento ninian, halo atendimento, hanesan ba kotuk, atendimento liuhusi cada bancada parlamentar. Maibé ami sei informa ba técnico atu nune'e bele fó assistênciá, liu-liu ba Deputado foun sira, no mós ba Deputado sira ne'ebé reeleito atu atualiza filafali sira-nia ricosoin ka halo registo de bens, ne'ebé ninia data limite até 15 de setembro.

Ho nune'e, ita intervalo ba *snack* no ita sei filafali 11h15 atu fó andamento ba ita-nia Período da Ordem do Dia.

Muito obrigada ba distinto Deputado sira hotu.

Sr.^a *Presidente suspende sessão ne'e iha tuku 10 liu minuto 52 retoma fali iha tuku 11 liu minuto 36.*

Sr.^a **Presidente** (Maria Terezinha da Silva Viegas): — Sr. Deputado sira hotu, agradece atu ita hotu hola hikás fali fatin atu fó continuidade ba ita-nia Período da Ordem do Dia, ne'ebé ita sei iha agenda tolu:

- «1. Eleição de um membro para o Conselho de Imprensa;
2. Projeto de Deliberação n.º 7/VI(1.ª) - Delegação do Parlamento Nacional de Timor-Leste à Assembleia Parlamentar Asiática; e
3. Projeto de Deliberação n.º 8/VI(1.ª) - Criação de Grupos Parlamentares de Amizade na VI Legislatura».

Temos o quórum de deliberação ou quórum deliberativo, ho nune'e ha'u fó ba Sr.^a Secretária atu halo leitura ba agenda Ordem do Dia, ponto 1.

Faz favor.

Sr.^a **Secretária da Mesa** (Maria Teresa da Silva Gusmão): — Obrigada, Sr.^a Presidente.

«Bancada Parlamentar do CNRT

N.º Ref: 116/BCD/CNRT/VIII/2023,

Ex.^{ma} Sr.^a Presidente do Parlamento Nacional

Sr.^a Maria Fernanda Lay

Assunto: Substituição no nomeação candidatura Membro

Conselho Imprensa husi Bancada CNRT

Excelência,

Conforme a Lei da Comunicação Social, Parlamento Nacional hili cidadão na'in-rua ne'ebé reconhece idoneidade no iha mérito profissional ho preferência ne'ebé hatutan ba iha Comunicação Social nian, Parlamento Nacional halo ona nomeação no eleição membro Conselho de Imprensa iha fulan-janeiro tinan 2021 liubá, no candidato husi Bancada CNRT eleito mak Sr. Expedito Dias Ximenes.

Tanba Sr. Expedito Dias Ximenes agora sai ona membro IX Governo Constitucional, Bancada CNRT hakarak submete substituída na'in-ida ho naran Sr.^a Isabel Maria Fernandes de Jesus atu preenche membro do Conselho Imprensa nian.

Mak ne'e deit, ba Ita-Boot nia atenção no colaboração di'ak, la haluha ami hato'o obrigado wa'in.

Díli, 18 de agosto de 2023.

Presidente da Bancada do CNRT,

Deputado Duarte Nunes».

«Declaração de aceitação

Ha'u, Isabel Maria Fernandes de Jesus, declara aceita ho nomeação husi Parlamento Nacional hodi sai membro ba Conselho de Imprensa, comprometida atu halo knaar tuir Constituição RDTL haruka.

Obrigado wa'in.

Díli, 28 de agosto de 2023

Declarante, Sr.^a Isabel Maria Fernandes de Jesus».

Obrigada.

Sr.^a **Presidente** (Maria Terezinha da Silva Viegas): — Carta ba nomeação candidato ba membro do Conselho de Imprensa, hanesan ita hotu hatene, iha Legislatura liu ba Parlamento eleje membro ida,

mak Sr. Expedito Dias Ximenes. Maibé nia, agora daudauk, assume hela pasta nu'udar Secretário de Estado da Comunicação Social, ho nune'e mak ita, iha fulan-agosto liubá, loke filafali submissão de candidatura ba membro Conselho de Imprensa nian.

Iha Mesa simu carta ida de'it liga ho nomeação ba membro do Conselho de Imprensa, mak husi Bancada CNRT, submete ho Sr.^a Isabel Maria Fernandes de Jesus.

Ho nune'e, se permite, ita procede ba eleição ba membro refere, ho nia boletim de voto mak ha'u apresenta ne'e ...

Sr.^a Presidente hi'it boletim de voto ida hodi hatudu nu'udar exemplo.

... karik ba ida-ne'ebé vota a favor risca iha quadradinho a favor, contra e abstenção.

Se permite, ha'u fó tempo ba Sr.^a Secretária hodi halo leitura ba iha eleição membro do Conselho de Imprensa nian.

Faz favor, Sr.^a Secretaria.

Sr.^a **Secretária da Mesa** (Maria Teresa da Silva Gusmão): — Obrigada, Sr.^a Presidente.

«Parlamento Nacional

VI Legislatura

Lista de presenças

Sessão de 5 de setembro de 2023

- «1. Sr.^a Deputada Maria Fernanda Lay (CNRT), ausente.
2. Sr.^a Deputada Maria Terezinha da Silva Viegas (CNRT).
3. Sr. Deputado Alexandrino Afonso Nunes (PD).
4. Sr.^a Deputada Virgínia Ana Belo (CNRT), ausente.
5. Sr.^a Deputada Maria Teresa da Silva Gusmão (PD).
6. Sr.^a Deputada Bendita Moniz Magno (CNRT), ausente.
7. Sr. Deputado Domingos Augusto “Deker” (CNRT), ausente.
8. Sr.^a Deputada Lúcia Taeki (CNRT), ausente.
9. Sr. Deputado Duarte Nunes (CNRT).
10. Sr. Deputado Marcos Soares Martins (CNRT).
11. Sr. Deputado José Virgílio R. Ferreira (CNRT).
12. Sr. Deputado Luís Ximenes Caldeira (CNRT).
13. Sr.^a Deputada Maria Rosa da Câmara “Bisoi” (CNRT), ausente.
14. Sr. Deputado Leandro Lobato (CNRT).
15. Sr. Deputado Marcos Xavier (CNRT).

16. Sr. Deputado Óscar de Araújo (CNRT).
17. Sr. Deputado Firmínio Taequi (CNRT).
18. Sr.^a Deputada Veneranda E. M. Lemos Martins (CNRT).
19. Sr. Deputado Natalino dos Santos Nascimento (CNRT), ausente.
20. Sr. Deputado Romeu Moisés (CNRT).
21. Sr. Deputado Gabriel Soares (CNRT).
22. Sr. Deputado Saul Salvador H. J. Amaral (CNRT).
23. Sr.^a Deputada Maria Gorumali Barreto (CNRT).
24. Sr. Deputado Patrocínio Fernandes dos Reis (CNRT).
25. Sr. Deputado Virgílio Pereira (CNRT).
26. Sr.^a Deputada Cedelízia Faria dos Santos (CNRT).
27. Sr. Deputado Francisco da Costa “Ikulay” (CNRT).
28. Sr. Deputado Albino da Silva (CNRT).
29. Sr.^a Deputada Carminda Carlota (CNRT).
30. Sr. Deputado Ricardo Batista (CNRT).
31. Sr. Deputado Anacleto Freitas (CNRT);
32. Sr.^a Deputada Aliança da Conceição Araújo (CNRT).
33. Sr. Deputado Mateus da Cruz de Carvalho (CNRT).
34. Sr. Deputado Armando dos Santos Lopes (PD).
35. Sr. Deputado António da Conceição “Kalohan” (PD), ausente.
36. Sr. Deputado Manuel Henrique Noronha (PD).
37. Sr.^a Deputada Sancha Margarida Tilman (PD).
38. Sr. Deputado Antoninho Doutel Sarmento (FRETILIN)
39. Sr.^a Deputada Sância Florência Paixão Bano (FRETILIN).
40. Sr.^a Deputada Maria Angélica Rangel dos Reis (FRETILIN), ausente.
41. Sr. Deputado Dário Madeira (FRETILIN).
42. Sr. Deputado Aniceto Longuinhos Guterres Lopes (FRETILIN), ausente.
43. Sr.^a Deputada Lúcia Norberta dos Santos Martins (FRETILIN), ausente.
44. Sr. Deputado Antoninho Bianco (FRETILIN).
45. Sr. Deputado David Dias Ximenes “Mandati” (FRETILIN).
46. Sr.^a Deputada Helena Martins Belo (FRETILIN).
47. Sr. Deputado Joaquim dos Santos “Boraluli” (FRETILIN).
48. Sr. Deputado António Moniz Calau (FRETILIN).
49. Sr.^a Deputada Maria Anabela Savio (FRETILIN), ausente.
50. Sr.^a Deputada Nurima Ribeiro Alkatiri (FRETILIN).

51. Sr. Deputado José da Cruz (FRETILIN).
52. Sr.ª Deputada Cristina Yuri Rebelo dos Santos Costa (FRETILIN), ausente.
53. Sr. Deputado Abílio Quintão Pinto (FRETILIN).
54. Sr. Deputado Florentino Ximenes da Costa “Sinarai” (FRETILIN), asuente.
55. Sr.ª Deputada Mariquita Soares (FRETILIN).
56. Sr. Deputado Óscar Lima (FRETILIN), ausente.
57. Sr.ª Deputada Irene Gonzaga Sarmento (KHUNTO), ausente.
58. Sr. Deputado António Verdial de Sousa (KHUNTO).
59. Sr. Deputado António Verdial da Silva Ferreira (KHUNTO).
60. Sr.ª Deputada Olinda Guterres (KHUNTO), ausente.
61. Sr. Deputado Luís Roberto da Silva (KHUNTO).
62. Sr. Deputado Abel dos Santos (PLP).
63. Sr. Deputado Hélder Freitas “Kamarudin” (PLP).
64. Sr.ª Deputada Maria Angelina Lopes Sarmento (PLP).
65. Sr. Deputado Adolfo Martins (PLP)».

Sr.ª **Presidente** (Maria Terezinha da Silva Viegas): — Ha’u husu ba distinto Deputado Armando ho distinta Deputada Sância atu halo escrutínio ba contagem de votos.

Obrigada.

Técnico sira husi DIPLIN, Quintiliano Ase no João Guterres, halo contagem ba resultado votação nian.

Obrigada, ba distinto na’in-rua, Deputado Armando ho Deputada Sância ne’ebé escrutina ona contagem de voto ita-nian.

Hato’o ona ba votação liuhusi escrutínio secreto no hetan aprovação iha unanimidade husi Deputado presente hamutuk 53.

Ho nune’e, candidata ne’ebé Parlamento hili ou nomeia ka elege passa, no ita completa ona membro do Conselho de Imprensa ita-nian.

Tuirmai, ita hakat ba ita-nia agenda n.º 2 da Ordem do Dia, Projeto de Deliberação n.º 7/VI(1.ª).

Ho nune’e ha’u fó ba Sr.ª Secretária halo leitura.

Sr.^a **Secretária da Mesa** (Maria Teresa da Silva Gusmão): — Obrigada, Sr.^a Presidente.

«Projeto de Deliberação n.º 7/VI(1.^a) - Delegação do Parlamento Nacional de Timor-Leste à Assembleia Parlamentar Asiática.

O Parlamento Nacional de Timor-Leste concretizou a sua adesão à Assembleia Parlamentar Asiática através da Resolução do Parlamento Nacional n.º 24/2019, de 16 de outubro, prevendo-se no n.º 1 do seu artigo 2.º, a existência de uma delegação parlamentar permanente.

Por via do n.º 3 do mesmo artigo 2.º, na composição da delegação devem ser observados, na medida do possível, os princípios da proporcionalidade e da representatividade.

Importa agora determinar quais as forças políticas com assento parlamentar que devem integrar a delegação, a qual, nos termos do n.º 1 do artigo 3.º da Resolução do Parlamento Nacional n.º 24/2019, de 16 de outubro, tem o total de três de Deputados efetivos e três suplentes.

Por força do que se dispõe no n.º 2 do artigo 2.º da Resolução do Parlamento Nacional n.º 24/2019, de 16 de outubro, a constituição em concreto da delegação, com a indicação dos Deputados que a comporão, é feita depois nos termos do artigo 194.º do Regimento do Parlamento Nacional,

Assim, o Parlamento Nacional delibera, nos termos do artigo 92.º da Constituição da República e dos n.ºs 1 e 3 do artigo 2.º da Resolução do Parlamento Nacional n.º 24/2019, de 16 de outubro, o seguinte:

1. A delegação parlamentar à Assembleia Parlamentar Asiática tem a seguinte composição por Bancada Parlamentar:

CNRT - 2 Deputados;

FRETILIN - 1 Deputado.

2. As bancadas parlamentares representadas na delegação podem propor a indicação como suplentes de Deputados pertencentes a outras bancadas;

3. A indicação concreta dos Deputados efetivos e suplentes da delegação é feita nos termos do artigo 194.º do Regimento do Parlamento Nacional.

Os Deputados proponentes,

Deputado Patrocínio dos Reis, Deputado Armando dos Santos Lopes, Deputado David Dias Ximenes «Mandati», Deputado António Verdial de Sousa».

Obrigada.

Sr.^a **Presidente** (Maria Terezinha da Silva Viegas): — Obrigada, Sr.^a Secretária.

Ho nune'e, ha'u fó kedas ba proponente sira atu fundamenta projeto de deliberação ida-ne'e.

Se faz favor.

Sr. **Patrocínio Fernandes dos Reis** (CNRT): — Obrigado, Presidente.

Ha'u hanoin, projeto ne'e fundamenta nian an rasik ona be ami la fundamenta tan ona tanba cultura de apresenta projeto ne'e para depois estabelece grupo parlamentares sira tuir cultura Parlamento nian. Obrigado.

Sr.^a **Presidente** (Maria Terezinha da Silva Viegas): — Deputado Armando dos Santos.

Sr. **Armando dos Santos Lopes** (PD): — Di'ak, obrigado.

Opinião ne'ebé ha'u atu fó nu'udar proponente hanesan mós Bancada CNRT ohin hato'o. Obrigado.

Sr.^a **Presidente** (Maria Terezinha da Silva Viegas): — Deputado Mandati, faz favor.

Sr. **David Dias Ximenes «Mandati»** (FRETILIN): — Obrigado pelo tempo.

Ha'u iha hanoin uitoan, ida-ne'e ita atu cria amizade ou então ita atu ba cria amizade ho diversos países, e quando ita começa aloca ona ita-nia ema ba ne'ebá, iha fatin ne'ebé de'it, ema ne'e tem que tenta estuda política da nação, sistema ne'ebé iha-ne'ebá e língua ne'ebé usa, tem que hatene buat sira-ne'e para ita, quando to'o ne'ebá, labele hanesan estranho fali, ita aclimatado, ita hatene ona saida mak ita atu halo. Mais ou menos nia hatene, la'ós no seu total, mas parcialmente hatene ona buat ruma para depois ita to'o ne'ebá ne'e la'ós hanesan fali estranho hela de'it, e pronto, ficamos por ali na utopia.

Muito obrigado.

Sr.^a **Presidente** (Maria Terezinha da Silva Viegas): — Muito obrigada, Sr. Deputado.

Sr. Deputado António Verdial, faz favor.

Sr. **António Verdial de Sousa** (KHUNTO): — Muito obrigado, Sr.^a Presidente.

Mesmo que Bancada KHUNTO membro ida mós la hola parte, maibé Bancada KHUNTO respeita ba proporcionalidade no representatividade, Bancada KHUNTO nafatin toma responsabilidade hodi solidariza bancada rua ne'ebé representa ita hotu.

Muito obrigado.

Sr.^a **Presidente** (Maria Terezinha da Silva Viegas): — Sr.^a Deputada Angelina, faz favor.

Sr. **Maria Angelina Lopes Sarmiento** (PLP): — Obrigada, Sr.^a Presidente.

Em relação ho Projeto de Deliberação n.º 7 ne'e ha'u iha pergunta ida de'it, kona-ba quota ne'ebé ita hetan ba Assembleia Parlamentar Asiática ne'e. Tanba ida-ne'e ita tuir dala rua ona, e sira-nia convite mai Parlamento ne'e normalmente Deputado na'in-rua de'it mak bá, maibé, haree composição ne'ebé hatuur iha projeto deliberação ne'e, ita sei iha Deputado na'in-tolu mak representa. Será que quota ne'ebé fó mai Parlamento ne'e três Deputados ou apenas dois Deputados?

Segundo, ha'u secunda Deputado Mandati nian em relação política exterior ou diplomacia Parlamentar, os Deputados que vão compor estas comissões, o primeiro requisito é o conhecimento de língua atu nune'e ita bá iha-ne'ebá ema sei la halo tradução ba ita no mós ita sei halo intervenção diretamente iha língua estrangeira sira ne'ebé sai língua oficial ONU nian.

Obrigada.

Sr.^a **Presidente** (Maria Terezinha da Silva Viegas): — Muito obrigada, distinta Deputada.

Iha tan Deputado ruma mak atu fó-hanoin ou observação kona-ba Projeto de Deliberação n.º 7? Deputado Joaquim dos Santos, faz favor.

Sr. **Joaquim dos Santos «Boraluli»** (FRETILIN): — Obrigado, Sr.^a Presidente interina.

Bom dia, distintos Deputados.

Ita-nia Resolução n.º 8 ne'e, – 7 e 8 hotu – n.º 7, asiático ne'e determina na'in-tolu de'it, depois bancada maka aprova hili sé-sé de'it. Mas bá liu kedas 8, bele to?

Sr.^a **Presidente** (Maria Terezinha da Silva Viegas): — Ita seidauk halo leitura ba Projeto de Deliberação n.º 8, Deputado.

Sr. **Joaquim dos Santos «Boraluli»** (FRETILIN): — *Okay*, se hanessian ne'e, ha'u hein ko'alia fali iha n.º 8.

Sr.^a **Presidente** (Maria Terezinha da Silva Viegas): — Sei iha tan Deputado ruma atu halo intervenção ou observação?

Lailais de'it, ba distinta Deputada Angelina nia pergunta ohin relaciona ho estatuto ne'ebé ita adere tiha ona ba Assembleia Parlamentar Asiática, foin iha 2018 ita hetan convite husi Pakistan, Gwadar nian, e 2019 ita subscreve ba *full member* ona.

Iha altura ne'ebá quota ne'ebé ita tem que selu anualmente são 30 mil dólares, maibé kona-ba composição ne'e mak iha V Legislatura liubá, se não me engano iha 2020 ou 2021, ita aprova resolução ou deliberação ida ba composição ba APA nian. Na altura era de três Deputados, maibé

antes ne'e, como ita hanesan membro observador, ita bá na'in-rua de'it, tuir despacho Presidente nian.

Iha 2021, salvo erro, – se ha'u sala, corrige! – ita compõe ita-nia grupo ba APA nian ne'e três Deputados, maibé precisa atu confirma filafali, temos direito a três ou quatro Deputados ba composição APA nian, depois mak sei informa hikas fali, depois de deliberação aprovada.

Distinto Deputado Antoninho Bianco, faz favor.

Sr. Antoninho Bianco (FRETILIN): — Obrigado.

Tuir ita acompanha, APA ne'e normalmente se membro, nação sira ne'ebé hola parte, efetivo ne'e ema na'in-haat, então, ita sei observador, se ita tama membro ona, ema na'in-haat. Parlamento ne'e representado husi ema na'in-haat, tuir buat ne'ebé ha'u acompanha iha documento sira liga ba APA nian – ne'e la'ós apá e? – ne'ebe ha'u hanoin mak ne'e. Se AIPA karik buat seluk, não é? Mas, APA nian, ha'u hanoin, efetivo ne'e na'in-haat. Agora, questão de atu sé mak bá, claro katak ne'e la'ós bá iha de bilateral de'it, lae! Ne'e multilateral e ita bele dehan Assembleia barabarak, Rússia nian mós iha laran, ita mós iha laran, então pessoas ne'ebé bá ne'e representa duni Estado ida-ne'e atubele fó imagem, ne'ebe hanesan critério ne'e buat seluk. Agora ita tem que tau iha resolução ne'e, ne'e ita la questiona, agora, hira-hira ne'e mak la'ós ita-nia hakarak, tuir regras hatete hanesan ne'e tuir hanesan ne'e!

Pronto, ne'e ha'u-nia hanoin kona-ba ida-ne'e, tanba ita labele hatún no labele hasa'e, maibé ema dehan se efetivo ona número ne'e na'in-haat.

Ida-ne'e mak ha'u-nia hanoin, AIPA nian seidauk be ha'u ko'alia kona-ba APA nian de'it.

Sr.^a Presidente (Maria Terezinha da Silva Viegas): — Muito obrigado ba observação, distinto Deputado.

Se bem que ita confirma husi Gabinete de Estudos de Relações Internacionais, se quatro Deputados, depois altera aqui por quatro! E mós nia representação proporcional ou representatividade, ita combina representação rua ne'e. Liuliu, iha-ne'e mós iha suplente, agora cabe a cada bancada parlamentar atu aproxima ba malu haree nia composição ba representatividade ou proporcionalidade.

Ohin Mandati hato'o, sim, verdade, ita atu halo cooperação ou integra iha delegação ruma se bem que ita tem que hatene língua e história daquele país, maibé, ida-ne'e cabe ba cada bancada parlamentar atu designa nia membro ba composição grupo sira-ne'e.

Karik la iha ona intervenção ka observação husi distinto Deputado sira, concorda atu nia composição ne'e três ou quatro, depois de confirmarmos, podemos avançar com o texto proposto.

Se hotu-hotu concorda, ha'u hanoin, ita bele submete ba votação e não é necessário ha'u devolve fali ba proponente sira.

Distinto Deputado, Joaquim dos Santos.

Sr. **Joaquim dos Santos «Boraluli»** (FRETILIN): — Presidente, ha'u concorda ho Deputado Antoninho, di'ak liu ita tem que determina kedas tanba ohin ne'e número tolu de'it, determina kedas efetivo hira, suplente hira. Se ita-nia *jatah* ne'e haat, então tem que suplente ida, efetivo tolu. Agora, atu tau iha resolução ne'e tem que claro, selae orsida bancada sira confusão atu determina sé mak efetivo sé mak suplente.

Obrigado.

Sr.^a **Presidente** (Maria Terezinha da Silva Viegas): — Ha'u hanoin, Mesa nia hanoin, distinto Deputado, se optarmos por quatro membros, ha'u hanoin katak quatro membros ne'e são efetivos e quatro suplentes, sim, quatro suplentes, quatro efetivos. Agora, a composição é que deve ser reconsiderada, ou dois dois, ou dois um um. Ida-ne'e mak ha'u tau ba consideração Plenária nian atu pronuncia molok ita hakat ba votação.

Bancada do CNRT, Deputado Patrocínio, se faz favor.

Atu adianta de'it kona-ba composição número dos Deputados que irão compor esta delegação ba APA (*Asian Parliamentary Assembly*) nian aqui três, como ita *full member* ona, mas, se não me engano, entre três ou quatro. Ita-nia quota 30 mil dólares por ano. Sugestão ne'ebé iha, vamos compor por quatro, ita estabelece kedas iha-ne'e quatro Deputados. Agora, ninia composição ne'e mak CNRT dois, FRETILIN dois ou CNRT dois, FRETILIN um e uma outra bancada um, ne'ebe ha'u hato'o filafali ba proponente sira atu fundamenta molok ita tama ba votação.

Sr. **Patrocínio Fernandes dos Reis** (CNRT): — Sim, obrigado.

Ha'u hanoin, iha-ne'e ohin ita ko'alia buat rua, ida proporcionalidade, ida representatividade.

Se ita ko'alia ida tuir representatividade ne'e, ita la preenche tanba ita membro haat de'it, maibé ita iha bancada lima, ne'e la preenche ida-ne'e. Então, ami hanoin katak tanba ita membro haat, ita kaer de'it nafatin ba princípio da proporcionalidade. Haat ne'e, CNRT com certeza rua ona, karik FRETILIN ida, PD ida tan karik, tanba proporcionalidade. Mas, depois técnico sira sura di'ak liu fórmula ne'e para orsida labele halo confusão fali ami-nia hanoin ne'e. Mas, se ko'alia kona-ba proporcionalidade, ami haree mak ida-ne'e, CNRT, FRETILIN e PD, loos ka lae? Ne'ebe, depois haree to'ok fórmula, técnico sira conta didi'ak ba para bele cabe ba ida-ne'e ka lae.

Obrigado.

Sr.^a **Presidente** (Maria Terezinha da Silva Viegas): — Distinto Deputado Joaquim dos Santos.

Sr. **Joaquim dos Santos «Boraluli»** (FRETILIN): — Ha'u hanoin, hanesan ne'e, Sr.^a Presidente, ohin iha proposta ne'e tolu de'it, ne'e opção. Ohin Presidente dehan katak «se tolu, então suplente

tolu», mas ita-nia *jatah* dehan haat, não necessariamente tem que haat, depende ba ita-nia capacidade atu absorve. Ne'ebe, se haat, então suplente mós tem que haat, se tolu, suplente tolu.

Agora, ko'alia kona-ba representatividade, então ita tau bancada ida ida, tolu ba efetivo, duas para suplentes. Ne'e, karik ko'alia representatividade, ita lima. Se julga ho proporcionalidade, então partido rua de'it, quando trata ba proporcionalidade ho número haat ne'e, seluk la hetan ona. Ne'e ita halo cálculo matemático sa'e tuun mós mak rua ne'e, FRETILIN e CNRT.

Ne'ebe, se ita concorda, se usa princípio representatividade, então cada bancada uma, tanba ne'e ita bá representa Estado. Se concorda proporcionalidade mak ne'e, FRETILIN ho CNRT de'it.

Sr.^a **Presidente** (Maria Terezinha da Silva Viegas): — Deputado António Verdial.

Faz favor.

Sr. **António Verdial de Sousa** (KHUNTO): — Obrigado mais uma vez, Sr.^a Presidente.

Ita decide tiha buat ne'e iha «concelho» lideranças das bancadas parlamentares, iha-ne'ebá ha'u mak ko'alia. Tanba Ita-Boot sira usa proporcionalidade, ne'ebe oin ha'u, hodi bancada nia naran hatete, «ami solidariza ba Ita-Boot», tanba horibainhira buat ne'e ita ko'alia iha-ne'ebá katak, tanba usa proporcionalidade maibé Bancada FRETILIN mak iha solidariedade hodi fó ida ba bancada seluk. Maibé, la'ós ha'u ko'alia hanesan ne'e depois Bancada KHUNTO exige, não! Di'ak liu ne'e tau haat ida efetivo ne'e de'it, tanba ha'u hatene katak tau suplente ba mós suplente ne'e hanesan sei hela naran de'it, nia hanesan la bá ida.

Obrigado.

Sr.^a **Presidente** (Maria Terezinha da Silva Viegas): — Deputado Luís Roberto, faz favor.

Sr. **Luís Roberto da Silva** (KHUNTO): — Obrigado, Presidente.

Ha'u concorda ho colega Deputado Verdial nian, haree ba proporcionalidade, CNRT ho FRETILIN mak iha bancada boot ne'e, ne'ebe bancada ida na'in-rua, loos ona to? Bá iha li'ur ne'ebá mak dehan katak representante Estado, maibé iha-ne'e representante partido. Bancada rua mak iha-ne'e, ne'ebe bancada boot rua ne'e mak na'in-rua, na'in-rua tuur ba tanba Ita-Boot sira mak hatene liu história kona-ba Timor nia ukun aan ne'e, ne'ebe Ita-Boot sira representante Timor nian bá iha ne'ebá. Ne'e ba Timor mak representa Timor, mas iha ne'e representa cada bancada, não é? Ne'e la'ós ko'alia kona-ba representatividade tanba usa ona proporcionalidade *berarti* bancada rua boot iha-ne'e na'in-rua na'in-rua loos ona, ami submete de'it.

Obrigado.

Sr.^a **Presidente** (Maria Terezinha da Silva Viegas): — Deputado Mandati, se faz favor.

Sr. **David Dias Ximenes «Mandati»** (FRETILIN): — Ha'u atu secunda distinto Deputado Luís Roberto ninian.

Nia ne'e loloos geração patriota, nia iha nia fatin karik ninian mak boot liu, mas nia sai fali be nia ki'ik tiha fali.

Obrigado.

Sr.^a **Presidente** (Maria Terezinha da Silva Viegas): — Deputada Aliança, se faz favor.

Sr.^a **Aliança da Conceição Araújo** (CNRT): — Obrigada ba Ita-Boot.

Ha'u la baralha buat ida-ne'e ida, somente hakarak hatene de'it, grupo parlamentar amizade ne'e hatama hotu fetu sira ka lae, grupo parlamentar de mulher ninian ne'e. Ha'u la baralha, ha'u la baralha, ha'u la mistura! Hanesan hakarak husu de'it informação. Se lima karik, hatama mós representante fetu ida. La'ós ha'u, mas ha'u-nia fetu maluk sira ne'e mós mesak sira topu ninian.

Mak ne'e de'it, obrigada.

Sr.^a **Presidente** (Maria Terezinha da Silva Viegas): — Deputada Veneranda Lemos, faz favor.

Sr.^a **Veneranda E. M. Lemos Martins** (CNRT): — Obrigada, Presidente.

Ha'u atu fó-hanoin filafali de'it ba colega sira, dala barak ne'e decisão mai husi reunião líderes das bancadas ita to'o iha Plenária laran discute malu fali, ita hakarak atu hadi'a fali. Se hanesan ne'e, lalika discute iha líderes bancadas, lori diretamente de'it mai iha Plenária, Plenária halo decisão. Agora, líderes bancadas decide tiha ona proporcionalidade, ita mai discute fali, ita hakarak atu halo, então quer dizer líderes bancadas ninia peso ida be discussão ne'e la vale ida.

Obrigada.

Sr.^a **Presidente** (Maria Terezinha da Silva Viegas): — Muito obrigada, distinta Deputada.

Iha líderes das bancadas apenas rona, la delibera ida, tanba ne'e mak ita lori mai Plenária hodi hola decisão, lori mai atu halo discussão e tomada de decisão. Ita tem que foti solução ba ita-nia projeto de deliberação ida-ne'e, ita concorda hamutuk katak ha'u submete ba sistema proporcionalidade ho composição dois dois das duas bancadas maioria, e, se bem que ida suplente ne'e ita fó ba bancada ki'ik sira. Os quatro para bancada do PLP, do PD, do KHUNTO e mais uma da CNRT. Se concorda ho composição ida-ne'e, ha'u hanoin, ita bele hakat ba votação ba projeto de deliberação ne'e, dois

membros efetivos, dois da FRETILIN, dois do CNRT, os membros suplentes um do PD, um do KHUNTO, um do PLP e um do CNRT. Justo?

Ha'u hanoin, não vamos acomodar hotu-hotu, ida-ne'e regras mak hanesan ne'e, ita la'o tuir regra.

Karik hotu-hotu concorda, ha'u submete ba votação ho alteração ba iha...

Distinta Deputada Veneranda Lemos, faz favor.

Sr.^a **Veneranda E. M. Lemos Martins** (CNRT): — Sr.^a Presidente, decisão ida dois dois ne'e tuir regra saída? Proporcionalidade ka decisão Mesa ninian?

Obrigada.

Sr.^a **Presidente** (Maria Terezinha da Silva Viegas): — Mesa soe ba Plenária decisão ne'e foin ha'u foti.

Se ita halo representação, CNRT tem um a mais no suplente. Se não concordarem, olha, ita bele retira este projeto e vamos para a próxima discussão e votação.

Ba proponente sira, bele pronuncia?

Se faz favor, Deputado Verdial.

Sr. **António Verdial de Sousa** (KHUNTO): — Mais uma vez obrigado, Sr.^a Presidente em exercício.

Ohin Sr.^a Presidente dehan Bancada KHUNTO mak hola parte iha suplente be ha'u atu hatete kedas, representa Bancada KHUNTO, retira e ami la hola parte! Maibé ami solidariza no ami fó apoio.

Obrigado.

Sr.^a **Presidente** (Maria Terezinha da Silva Viegas): — Obrigada, distinto Deputado.

Ho nune'e ita mantém texto original e agente submete ba votação.

Muito obrigada.

Ita ba votação ho composição ne'ebé iha tuir proponente sira hato'o.

Ba Deputados ne'ebé vota a favor, contra e abstenção se faz favor.

Deputado sira hala'o votação ordinária.

Muito obrigada.

Hato'o ona ba votação no hetan aprovação ho votos a favor 45, contra 0 no abstenção 0.

Ho nune'e Projeto de Deliberação n.º 7 passa.

Ita hakat ba leitura de Projeto de Deliberação n.º 8.

Faz favor, Sr.ª Secretária.

Sr.ª **Secretária da Mesa** (Maria Teresa da Silva Gusmão): — Obrigada, Sr.ª Presidente.

«Projeto de Deliberação n.º 8/VI(1.ª) - Grupos Parlamentares de Amizade na VI Legislatura.

A criação de grupos parlamentares de amizade constitui prática enraizada entre os parlamentos dos Estados democráticos, como meio de reforço das relações entre assembleias parlamentares de países amigos, intercâmbio de conhecimentos, diálogo parlamentar e fortalecimento da democracia.

No Parlamento Nacional de Timor-Leste, e à semelhança do que se passou nas legislaturas anteriores, considera-se importante a criação de grupos parlamentares com os parlamentos de países com os quais Timor-Leste e o Parlamento Nacional mantêm importantes laços de cooperação, privilegiando-se os países geograficamente mais próximos e os países com os quais Timor-Leste tem relações históricas.

Os Grupos Parlamentares de Amizade são organismos constituídos no âmbito parlamentar com vista a estabelecer e desenvolver o diálogo entre parlamentares de outros países amigos de Timor-Leste. São sempre pluripartidários, refletindo a composição do Parlamento, nos termos previstos na Resolução do Parlamento Nacional n.º 6/2003, de 22 de julho, publicada no *Jornal da República*, Série I, n.º 13, de 27 de agosto de 2003, sobre a constituição de Grupos Parlamentares de Amizade.

Com base nas propostas das bancadas parlamentares, ouvidas em sede de Conferência dos Representantes das Bancadas Parlamentares, e sem prejuízo de no futuro poderem ser criados outros grupos, são constituídos para a VI Legislatura 29 grupos parlamentares de amizade.

Assim, o Parlamento Nacional delibera, nos termos do artigo 92.º da Constituição da República, e da Resolução do Parlamento Nacional n.º 6/2003, de 22 de julho, publicada no *Jornal da República*, Série I, n.º 13, de 27 de agosto de 2003, o seguinte:

1. Sem prejuízo da criação de outros grupos parlamentares de amizade que se justifica, são criados grupos parlamentares de amizade com os parlamentos dos seguintes países: Angola, Austrália, Brasil, Brunei, Cabo Verde, Camboja, Cuba, Estados Unidos da América, Fiji, Filipinas, França, Guiné-Bissau, Guiné-Equatorial, Indonésia, Japão, Laos, Malásia, Moçambique, Nova Zelândia, Portugal, Reino Unido, República da Coreia, República da Irlanda, República Popular de China, São Tomé e Príncipe, Singapura, Tailândia, Vanuatu e Vietname.

2. Os grupos parlamentares de amizade criados pela presente deliberação que se refiram a parlamentos bicamerais estabelecem relações diretas com os grupos homólogos criados ou a criar no seio das câmaras baixos desses parlamentos ou segundo as regras próprias aplicáveis nesses mesmos parlamentos.

Cada um dos grupos parlamentares de amizade criados pela presente deliberação é composto por oito Deputados em representação das bancadas parlamentares nos seguintes termos: CNRT – 3 Deputados; FRETILIN – 2 Deputados; PD – 1 Deputado; KHUNTO – 1 Deputado; PLP – 1 Deputado.

3. A constituição de cada um dos grupos parlamentares de amizade criados pela presente deliberação, através da indicação concreta dos Deputados que farão parte dele e de um número equivalente de suplentes, é definida por decisão do Presidente do Parlamento Nacional, com base nos requerimentos apresentados pelos Deputados ou pelas bancadas parlamentares, ouvida a Conferência dos Representantes das Bancadas Parlamentares e a Comissão de Negócios Estrangeiros, Defesa e Segurança, nos termos aplicáveis e segundo os critérios da Resolução do Parlamento Nacional n.º 6/2003, de 23 de julho, publicada no *Jornal da República*, Série I, n.º 13, de 27 de agosto de 2003.

4. A organização e funcionamento dos grupos parlamentares de amizade criados pela presente deliberação são regidos pelas normas pertinentes da Resolução do Parlamento Nacional n.º 6/2003, de 22 de julho, publicada no *Jornal da República*, Série I, n.º 13, de 27 de agosto de 2003.

Os Deputados proponentes,

Deputado Patrocínio dos Reis, Deputado Armindo dos Santos Lopes, Deputado David Dias Ximenes «Mandati», Deputado António Verdial de Sousa».

Obrigada.

Sr.^a **Presidente** (Maria Terezinha da Silva Viegas): — Obrigada, distinta Deputada Secretária.

Ha'u fó ba proponente sira atu fundamenta molok ita tama ba votação, apreciação uluk molok ba votação.

Faz favor.

Sr. **Patrocínio Fernandes dos Reis** (CNRT): — Sr.^a Presidente, como documento projeto de resolução ne'e iha hotu Deputado sira-nia liman, acompanha hotu ona, karik colega Deputado sira acompanha, iha correção ruma karik bele apresenta.

Obrigado.

Sr.^a **Presidente** (Maria Terezinha da Silva Viegas): — Distinto Deputado Mandati, se faz favor.

Sr. **David Dias Ximenes «Mandati»** (FRETILIN): — Ohin ko'alia tiha ona ne'e.

Obrigado.

Sr.^a **Presidente** (Maria Terezinha da Silva Viegas): — Este é outro projeto de deliberação. Ida ohin ne'e n.º 7 e este n.º 8.

Deputado Joaquim dos Santos, se faz favor.

Sr. **Joaquim dos Santos «Boraluli»** (FRETILIN): — Obrigado, Presidente, ba oportunidade.

Colegas Deputados, experiência sira bá kotuk to'o iha VIII Governo ita halo deliberação hanesan ho ida-ne'e, só que, depois de delibera la funciona. Ita tem que tetu didi'ak! Decisão tem que ser iha efeitos políticos, e, em termos organizacional também – Parlamento hanesan organização – porque itania decisão ne'e implica ba osan. Quando iha visita ruma mai, halo diplomacia, ita precisa sustenta café, buat ruma, ou ita sai bá li'ur precisa osan. E decisão sira tinan-tinan ba kotuk ne'e la hatene osan gasta ka la gasta, ita la hatene, ne'e reflexo ida, problema ida.

Segundo ponto, ha'u haree iha documento ne'e iha buat ida que, ha'u hanoin, ita precisa tetu didi'ak, número nação sira ita atu halo relação amizade ne'e balu embaixada iha Timor la iha. Se embaixada iha Timor la iha, ne'e la efetivo, ne'ebe ita só delibera ne'e ida-ne'ebé iha relação bilateral ho ita ne'e.

Depois, iha tan problema ida, nação balu ne'ebé ita tau ne'e entre sira rasik la iha relação di'ak ba malu, ita halo amizade ho sira, ita hanesan jogo de triângulo ne'ebé la'o la han malu. Portanto, se ita halo amizade ho nação ida, mas nação ne'e ho nação seluk ne'ebé ita halo amizade ba mós iha problema, sira ho sira problema, ita tetu mós ho ida-ne'e.

Ne'ebe, ha'u hanoin, Presidente, colega Deputado sira, atu tau iha resolução ne'e tem que identifica didi'ak nação ne'ebé de'it mak ita bele halo. Sira-nia embaixada iha Timor la iha, lalika tau iha-ne'e ida! Porque ita tau iha-ne'e, ita decide tiha ita atu halo relação, ita-nia Parlamento tem que buka meios oinsá para bele halo relação ho sira, porque la'ós Deputado mesak mak halo diplomacia entre Deputado ho Deputado, mas liu mós husi serviços parlamentares ninian. Ne'ebe, ha'u-nia observação, ida-ne'e ita tetu didi'ak, naran sira be iha resolução hakerek ne'e.

Obrigado.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

A seguir, distinta Deputada Veneranda Lemos.

Se faz favor.

Sr.^a **Veneranda E. M. Lemos** (CNRT): — Obrigada, Presidente em exercício.

Ha'u apenas atu fó-hanoin filafali de'it ba Deputado sira hotu, liuliu ba Mesa, katak iha Legislatura ida-ne'e ita seidauk harii grupo jovem parlamentar, tanba iha grupo União Interparlamentar mós dala barak, quando iha reunião sira-ne'e, sira husu participação jovem parlamentar ninian, e ha'u fiar katak iha grupo nacional sira seluk hanesan AIPA, APA mós, husu participação liuhusi *parliamentarian*.

Ne'ebe, se bele karik, Mesa, ha'u la hatene halo nu'usá, hanoin to'ok ba oinsá atubele harii fali grupo jovem parlamentar, ne'ebé iha legislatura anterior mós ita estabelece grupo ida-ne'e. Agora, legislatura foun ne'e ita seidauk estabelece, ne'ebe ha'u husu Mesa atu nafatin atenção ba *youth parliamentary*.

Obrigada.

Sr.^a **Presidente** (Maria Terezinha da Silva Viegas): — Obrigada ba observação no sugestão.

Ne'e Mesa considera, katak iha penúltimo ano da V Legislatura ita constitui duni grupo ida-ne'e, se bem que na próxima sessão ita bele considera atu halo deliberação ba grupos parlamentos jovens ou Deputados jovens.

A seguir, Deputada Angelina Sarmento.

Se faz favor.

Sr.^a **Maria Angelina Lopes Sarmento** (PLP): — Sim, obrigada mais uma vez, Presidente em exercício.

Kona-ba Projeto de Deliberação n.º 8 hodi estabelece grupo amizade parlamentar ho país sira seluk, tuir ha'u-nia observação, iha legislatura anterior ne'e husi grupo amizade parlamentar país sira ne'ebé ita integra bá, pelos vistos iha de'it, bele dehan, cinco ou seis países maka consegue ita hametin ita-nia amizade parlamentar ho sira, hanesan, por exemplo, Austrália, Estados Unidos da América, Indonésia, Singapura e Japão. Ultimamente Japão mak ita haree ativo tebetebes sira-nia amizade parlamentar.

E, amizade parlamentar ne'e não quer dizer que sé mak compõe iha amizade parlamentar ne'e atu bá visita país sira-ne'e, maibé dala ruma iha visita de trabalho husi Deputado sira husi país sira-ne'e mai Timor-Leste, então sé mak compõe iha país ida-ne'e hodi amizade ho Deputado sira país ida-ne'e nian, sira mak automaticamente bá hasoru ou tama iha atividade sira visita parlamentar husi Deputado país refere mai iha Timor-Leste.

E último liu, se não me engano iha tinan kotuk, iha Singapura maka ita envolve Deputado sira ne'ebé tama iha amizade parlamentar Singapura nian hodi envolve iha visita Presidente da República nian bá Singapura. Ne'ebe ha'u concorda ho Deputado Joaquim nian katak ita precisa redefine país sira ne'ebé ita atu halo amizade parlamentar, no mós define ida-ne'ebé iha relação bilateral ho ita, no mós la iha contradição entre país sira ne'ebé sira ho sira la fó relação diplomática di'ak, e ita bele lori an tama fali iha sira-nia problema ne'e nia laran.

Ida seluk, kona-ba grupo jovem parlamentar, ne'ebé Deputada Veneranda ohin foti, é pertinente atu ita haree, tanba legislatura ida uluk ne'e caduca ona, e, mesmo assim ainda ter reeleitos os Deputados que naquela altura compõe iha grupo jovem parlamentar, e neste caso grupo jovem parlamentar legislatura anterior ne'e ninia Presidente mós reeleito, Deputado José Virgílio, ne'ebe, se ida-ne'e ita bele apressa processo ba identificação Deputado sira ne'ebé menos de 45 anos, ne'ebé bele compõe iha

grupo jovem parlamentar. Se bem que ita halo muito antes tanba, hanesan ohin dehan, atividade conferência internacional sira ba IPU sempre exige presença grupo jovem parlamentar e grupo de mulheres parlamentares ida-rua atu participa mós.

Ida-ne'e de'it, obrigada.

Sr.^a **Presidente** (Maria Terezinha da Silva Viegas): — Obrigada, Sr.^a Deputada.

A seguir, Deputado Duarte Nunes, se faz favor.

Sr. **Duarte Nunes** (CNRT): — Obrigado, Presidente.

Boa tarde ba ita hotu.

Tuir experiência ne'ebé ita iha, osan tem que iha, ne'e claro, uitoan mós tem que iha tanba, hanesan ohin colega sira dehan, ema mai visita, la hatene, ita atu hasoru malu iha jantar ruma ka iha saida ruma, tanba iha oportunidade sira-ne'e mak ita dehan ita bele hala'o diplomacia parlamentar ne'e, tanba interesse nação ne'ebé mai visita ne'e ita hakarak saida... Ida-ne'e mak ita bele ko'alia kona-ba assunto sira ne'ebé interesse iha nação rua ne'e.

Bainhira ita atu forma grupo ruma, Parlamento tem que iha contacto ho embaixada sira, hanesan ohin colega sira ko'alia, ha'u concorda. Concorda katak sira mós forma ita mós forma, selae ita ko'alia hanesan buat mamuk ida. Se ema la iha interesse, ita atu halo movimentação ka ita hala'o ação ruma entre nação rua ne'e la iha, ha'u hanoin, la iha necessidade ida karik. Por exemplo, ida uluk Portugal nian mós parado tanba uluk nação rua ne'e iha contactos, liuhusi contacto sira-ne'e iha entendimento atu halo seminário ida ho tema ida-ne'ebé nação ou grupo rua ne'e concorda. Ne'e mak hala'o tiha, depois ikusfalimai situação barak mosu iha ita-nia Rain, la continua, mas dala ruma grupo agora bele hala'o nafatin situação ne'e, halo contacto ho grupo tanba sira mós iha grupo de amizade. Ne'ebe ita bele iha contacto para depois saida mak ita bele halo em conjunto. Mas, mak ne'e, tem que iha osan!

Se uluk ita bá, iha despesa balu que sira mak responsabiliza, mas ita bá, hanesan viagem ita-nian bá iha-ne'ebá, bá hela, to'o iha-ne'ebá evento ne'e sira mak hala'o, sira mak prepara hotu, e ita participa de'it ou tuir buat ne'ebé ita concorda ba malu.

Iha visita ou iha atividade interparlamentar ne'ebé grupo sira forma ona, bainhira iha evento ruma, iha evento sira-ne'e mós grupo sira-ne'e bele, karik husi nação ne'ebé ita iha entendimento, hasoru malu bainhira aproveita oportunidade para sira hasoru malu. Ne'e iha reunião interparlamentar sira-ne'e.

Ha'u hanoin, Japão mak la'o di'ak, ne'e tanba sira mak selu. Uluk ne'e, se ha'u la sala, ex-Deputado Adriano mak lidera, e sira iha contacto di'ak ho sira-nia embaixada e depois ho sira-nia grupo, então grupo ne'e ativo tebes e barak mak sira mak financia.

Tanba ne'e mak, ha'u hanoin, ha'u concorda, ita haree didi'ak, Mesa mós iha contacto di'ak antes ita atu forma, e ita atu hato'o ba sira. Ita loke hela, ita halo resolução ne'e ita concorda, maibé bainhira ita atu forma, di'ak liu iha contacto ho nação sira-ne'e lai.

Obrigado barak.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

A seguir, distinta Deputada Cedelízia dos Santos.

Se faz favor.

Sr.^a **Cedelízia Faria dos Santos** (CNRT): — Obrigada, Presidente.

Ha'u haree ba ita-nia Projeto de Deliberação n.º 8, nação sira-ne'ebé ita hakerek iha-ne'ebá, ha'u hanoin, di'ak hela, tanba ha'u haree katak iha lista sira-ne'e país sira ne'ebé tama iha ita-nia projeto de deliberação ne'e, ita haree katak CPLP quase iha laran hotu kedas, e depois ita-nia país vizinho sira ne'ebé faz parte ba *ASEAN (Association of Southeast Asian Nations)* mós iha laran hotu.

Ita haree mós, exemplo hanesan Cuba, maski dook, la tama CPLP, maibé ita iha relação di'ak ho sira em termos de saúde, médico sira-nian. Nação barabarak, ne'ebe ha'u haree katak ida-ne'e pertinente duni para ita atu tau iha projeto de deliberação ida-ne'e. Agora, maski iha nação balu mak ninia embaixada la iha ne'e, maibé relação ho país sira-ne'e di'ak hotu kedas hanesan ohin ha'u dehan, tanba tama iha CPLP no ASEAN, no buat seluk tan.

E tanba ne'e mak ha'u dehan, ita mantém hela ho nação sira ita tau iha-ne'e, maski nia embaixada la iha iha-ne'e maibé ita husik hela hanesan ne'e.

E ha'u mós secunda saida mak Presidente Bancada CNRT, Deputado Duarte Nunes, nia hanoin, hakarak ka lakohi ita cria grupo sira-ne'e, ita mós tem que tau orçamento balu iha-ne'ebá.

La'ós de'it ita-nia contribuição ne'ebé ita-nia nação contribui tinan-tinan, maibé ita atu hala'o ita-nia atividade sira-ne'e, Deputado sira-ne'ebé tama iha grupo sira-ne'e iha dever halo plano. Tuur hamutuk ita planeia atu bá ka lae, oinsá ita-nia linha coordenação ho sira, ita tau iha plano, se precisa ita tau orçamento, ita tem que tau orçamento! Selae, hanesan ita dehan, ema mai, ita atu halo jantar mas osan la iha mós ita la bele halo buat ida. Tanba ne'e mak ha'u hanoin katak importante ba ita, distinto Deputado sira ne'ebé hola parte iha grupo amizade sira-ne'e, iha plano, oinsá halo plano e depois tau ba orçamento no ita hala'o.

Ha'u hanoin katak naran sira-ne'e ita bele procede bá votação.

Obrigada.

Sr.^a **Presidente** (Maria Terezinha da Silva Viegas): — Tuirmai, distinto Deputado António Verdial.

Se faz favor.

Sr. **António Verdial de Sousa** (KHUNTO): — Muito obrigado, Sr.^a Presidente, mais uma vez.

Consoante o Projeto de Deliberação n.º 8/VI(1.^a) – Sobre Grupos Parlamentares de Amizade na VI Legislatura, como um dos Deputados da Bancada do KHUNTO, não há objeção, mas, a Bancada do KHUNTO tem a esperança de que os Grupos Parlamentares de Amizade na VI Legislatura devem ter uma base de falar a língua do país pretendido, não vamos apenas dar passeio no estrangeiro, depois as pessoas ficam preocupadas com a nossa presença, porque nós não sabemos falar inglês, nós não sabemos falar português, nós não sabemos falar a língua «kata», ou a língua de outros países do nosso destino.

Esta é a esperança da Bancada do KHUNTO. E eu secundo o que é que o Sr. Deputado Chefe da Bancada CNRT falou, não vamos mais tardar. Agora só nos faltam 71 dias para o Governo submeter o Orçamento Geral do Estado, e Parlamento põe dinheiro, aponta dinheiro para nós termos dinheiro.

Muito obrigado.

Sr.^a **Presidente** (Maria Terezinha da Silva Viegas): — Muito obrigado, distinto Deputado.

A seguir, distinto Deputado Antoninho Bianco.

Se faz favor.

Sr. **Antoninho Bianco** (FRETILIN): — Boa tarde, Presidente em exercício, componente da Mesa no colega sira.

Ha'u hanoin, buat ne'e la'ós buat foun, baibain tiha ona, só que buat ne'e iha nia impacto político e económico hotu. Se ita decide agora, la significa aban ita forma, maibé fó impacto político katak ita iha laran di'ak atu halo amizade ho rai barabarak. Se ita sura mak osan, então lalika halo decisão. Decisão ida ohin ne'e fó impacto, ema acompanha, não é? Ida be embaixador, sira hotu ne'e acompanha, «Oi, Parlamento atu estabelece comissão atu halo grupo amizade!»

Independente bá ka la bá, maibé ita tem que cria. Se la iha osan, grupo ne'e bele halo contacto através meios, ohin loron ne'e ema dehan meios eletrotécnicos barabarak, ita bele através meio sira-ne'e bele troca ita-nia informação e bele mós dala ruma sira bele husu ita, ita mós husu sira, e bele direta e bele la direta, bele visita, ne'e buat seluk ida.

Maibé, ha'u hanoin, di'ak liu ita delibera, dehan ita hakarak forma.

Na prática, hanesan ohin colega sira ko'alia daudauk, balu ativo, balu la ativo tanba ema mós la ativo, ema ativo, dala ruma ita la ativo, então iha parte ida-ne'e ha'u nota katak tem que cria secretariado ida ba grupo amizade karik.

Ohin loron ita-nia secretariado la iha, sé mak lidera grupo ne'e nia mak secretariado, nia mak halo contacto bá mai. Ne'ebe, hirak ne'e hotu ita fó consideração katak se secretariado iha karik, então grupo amizade iha salão ida, para iha contacto diário karik, semanal karik, ita mós acompanha

Parlamento, assembleia ne'ebé iha sira-nian, para ita bele dehan troca ita-nia hanoin balu através meios, bele *zoom* mós iha, buat barak sá.

Ne'e ha'u la dehan tem que tau osan, normalmente tau osan iha comissão mós dala ruma dada malu, comissão especializada hitu de'it mak tau osan mós ita dehan... ne'ebe se tau osan karik, osan kala centraliza iha Secretário-Geral karik, la hatene. Ne'ebe experiência hanesan ne'e, ita dehan tau osan, tau osan, comissão especializada permanente hitu ne'e de'it mós dala ruma osan to'o kala la to'o, seidauk tan viagem.

Ne'ebe, ha'u hanoin, deliberação tem que halo, depois atu concretiza, hanesan ohin ha'u-nia colega sira balu hatete, país ne'ebé efetivo, por exemplo Japão, loos, ami uluk parte ida-ne'e, membro Governo atu mai iha-ne'ebá, sira husi embaixada bolu ami bá reunião ho sira, saida mak comissão ida-ne'e hakarak.

Então sira bele fó para sira considera iha sira-nia programa karik, estabelece, Parlamento iha-ne'ebá considera, pronto, tau buat ruma iha sira-nia orçamento. Ne'e depende hotu atividade, e cada comissão amizade maka tem que criativa, e sei la hein de'it, ema dehan, «la bele *tunggu bola*, tem que joga».

Ne'ebe experiência iha, e ita bele halo votação lai, criação, concretiza ne'e depois, mas importante deliberação, ha'u hanoin, lalika book país sira iha laran ne'e, depois mak ita cria fali sé-sé mak iha naran tama tanba barak loos ona, ema mós ladún to'o ida. Deputado sira oan ne'e, 65, atu tama hotu iha fatin ne'e mós dala ruma bele acumula rai hira-hira ida.

Pronto, ha'u hanoin, Presidente em exercício, di'ak liu deliberação tem que hola, concretização ne'e buat seluk ida, depois maka ita cria grupo hirak-ne'e.

Obrigado barak.

Sr.^a **Presidente** (Maria Terezinha da Silva Viegas): — Muito obrigado, distinto Deputado.

A seguir, distinto Deputado Luís Roberto.

Se faz favor.

Sr. **Luís Roberto da Silva** (KHUNTO): — Obrigado, Presidente Parlamento.

Relaciona ho Projeto de Deliberação n.º 8, atu cria grupo amizade interparlamentar ne'e, ha'u concorda mós ho Sr. Deputado Joaquim. Nação lubuk mak ita cita iha-ne'e, maibé balu ne'ebé nia embaixada iha Timor la iha e ita-nia mós iha sira-nia nação la iha, então liafuan amizade ne'e ita usa bá ne'ebé?

Amizade significa katak ita-nia embaixada, representante Timor nian iha nação ne'ebá, sira-nia nação nia embaixada iha-ne'e, ida-ne'e mak atu cria amizade. Portanto, ita cria di'ak hotu ba nação

ne'ebé de'it, tanba ita-nia nação ki'ik atu halo ligação ho ne'ebé de'it, mas ita haree ba nação ne'ebé ita halo duni cooperação bilateral entre nação Timor ho sira-ne'e. Se la iha, ita prevê halo saida?

E depois, tuirmai maka cria amizade ne'e la'ós significa katak ita ne'e mak atu bá de'it ema nia rain, lae! Ita mós iha direito atu convida sira mai iha ita-nia Rain ne'e, sira-ne'ebé embaixada iha Timor-Leste ne'e, nação ne'ebé ninia embaixada iha-ne'e, ita bele convida sira mai. Convida sira mai, então ita precisa mós orçamento, Parlamento precisa tau osan, hanesan Deputado Verdial foin ko'alia, Orçamento Geral do Estado besik ona atu mai, ita hotu-hotu hanoin ida-ne'e. Labele ita cria resolução barabarak, delibera resolução barabarak, maibé la iha osan, ninia implementação la iha, tanba iha anterior ne'e acontece, não é? Deputado sira hili tiha nação ida-rua mós la bá tan, to'o mandato remata de'it mós la bá tan. Ida-ne'e significa saida? Ne'ebe ita delibera buat ne'e mamuk ida, implementação la iha, importante mak tau osan, ninia *anggaran dasar* ne'e tem que iha, para ita mós bele convida nação sira-ne'ebé nia embaixada iha-ne'e mai para bele ita rona mós sira, labele ita mak bá iha-ne'ebá hela de'it. Ita convida sira mai, então ita mós precisa osan, ne'ebe ita hotu-hotu hanoin tau osan bá.

Filafali ba atu cria equipa ida ka grupo ida, inclui hanesan KHUNTO ema ida, ami pronto de'it, KHUNTO ne'e tama laran ka la tama laran mós hanesan de'it, importante maka representante Estado Timor ida-ne'e, ita hotu-hotu hanoin ida de'it para ita-nia Nação ne'e bele sai di'ak bá futuro.

Ida-ne'e de'it mak atu hatu'o ba Ita-Boot sira. Mas ninia razão fundamental liu mak ita precisa tau osan, osan ne'e mak importante, tanba comissão hitu ne'ebé estabelece de'it mós de vez em quando atu tau osan mós ulun moras. Ne'e comissão especializada parlamento ninian rasik, ne'e de'it mós atu tau osan ulun moras, tanba atu hamaten tiha comissão nia orçamento ne'e mak dehan poupança. Ah, poupança ne'e mak ita precisa haree, selae maka ita cria grupo barabarak, mas ninia orçamento la iha hanesan de'it, to'o mandato remata tiha mós de vez em quando ema atu mai ita-nia Nação mós mai la mai, ita atu bá ema nia nação mós la bá, hanesan de'it. Ne'ebé ita mak mate iha Timor de'it ne'e mós di'ak hela.

Obrigado, Presidente.

Sr.^a **Presidente** (Maria Terezinha da Silva Viegas): — Obrigado, distinto Deputado.

Antes de ita bá votação, ha'u sei fó ba distinto Deputado Armando Lopes.

Sr. **Armando dos Santos Lopes** (PD): — Di'ak, obrigado ba tempo dala ita tan.

Em princípio PD concorda, ho razão, primeiro, baseia ba ita-nia estatuto Parlamento Nacional katak é necessário a criação de grupo parlamentar de amizade.

Razão segunda, composição representativa, bancada lima iha laran hotu, CNRT tolu, FRETILIN rua, PD ida, KHUNTO ida no PLP ida. Agora, questão boot ba ita ne'e mak ohin colega sira mós hatu'o ona, problema relação ba economia ka finança tanba ita atu cria amizade ho 29 países, ida-ne'e

todan ida. Maibé, mak ne'e, katak impossível ita atu bá visita hotu, mas ita atu hatudu katak ita-nia interesse boot atu cria grupo amizade ho país sira-ne'e hotu. Portanto, ida-ne'e mak ha'u hanoin katak ita bele ko'alia bá mai mós votação sei determina. Ita avança bá votação.

Obrigado.

Sr.^a **Presidente** (Maria Terezinha da Silva Viegas): — Muito obrigada, distinto Deputado.

Atu conclui molok ita bá votação, karik ita hotu concorda hamutuk, os países que estão aqui descritos ita mantém, maibé ba nia constituição cabe a bancada parlamentar constituir ou designar os membros atu compõe grupo de amizade ida-ne'e. Maibé, tendo em conta nós temos o grupo do IPU, da AP-CPLP, da APA, e mais tarde da AIPA, ne'ebe ita sei situa ita-nia an ka parlamentar sira dentro daquele contexto mós.

Por exemplo, aqui do CPLP não é necessário criar um grupo próprio para Portugal porque temos o do AP-CPLP. Karik ida-ne'e ha'u soe de'it, depende ba Plenária atu delibera ou concorda ka lae. No mós composição ne'e rasik, composição ne'e mak por oito Deputados, temos infelizmente só 65 Deputados.

Karik ha'u fiar katak depois deste projeto de deliberação ita aprova mós não vamos compor ou constituir todos os países que estão aqui descritos.

No mós osan, claro, ita la'ós atu orçamenta ba viagens, ha'u hanoin, lae! Ita cria grupo de amizade ne'e mais para relações de amizades parlamentares ho países ne'ebé pretende cria grupo de amizade ho ita, mas halai liu ba diplomacia parlamentar, ne'ebe, de certeza osan ba receção ne'e em reciprocidade ho países ne'ebé ita pretende atu cria grupo de amizade ne'e.

Ha'u hanoin, ba comissão sira mak ita aloca osan ba viagem, maibé ba grupo de amizade, ha'u hanoin, lae. Prática bá kotuk, ida-ne'e mak acontece.

Karik sei iha Deputados balu atu fó observação ou comentário?

Sr. **Joaquim dos Santos «Boraluli»** (FRETILIN): — Ponto de ordem!

Sr.^a **Presidente** (Maria Terezinha da Silva Viegas): — Ha'u fó ba distinto Deputado Joaquim dos Santos.

Sr. **Joaquim dos Santos «Boraluli»** (FRETILIN): — Obrigado, Presidente.

Iha observação ida tan molok ita aprova.

Kona-ba nação sira-ne'ebé atu halo parte iha grupo amizade, ha'u hanoin, depois de aprova karik, técnico sira iha ona memória, ajusta de'it. Ajusta de'it porque evita buat rua: nação ne'ebé la iha relação diplomática, lalika tama! Depois, nação ne'ebé iha relação diplomática mas nia iha problema

ho rai-seluk, nação sira-ne'ebé ita atu halo amizade, ne'e mós labele hatama ida. Se hatama karik, iha opção lalika hili, lalika hili! Ne'e primeira observação.

Segunda observação, ba membro na'in-ualu ne'e, ha'u hanoin, la precisa karik tanba ne'e escolha livre dos Deputados. Só que ita determina de'it katak cada grupo número hira, porque bancada labele ba termina fali katak nação A, B, C e D, Antónia, Maria, José mak bá, não! Porque grupo de amizade é a escolha dos Deputados, pois aceite pela bancada. Ne'ebe ita determina três husi CNRT, dois husi FRETILIN, ida-ne'e atu coloca ba ne'ebé, três ne'e atu bá Portugal, três ne'e atu bá..., depois nação balu la hetan halo nu'usá? Repete ka halo nu'usá? É melhor um Deputado só escolha nação ida ka rua de'it. Ne'ebe, ha'u hanoin, ida be composição dos membros ne'e tem que haree didi'ak.

Sr.^a **Presidente** (Maria Terezinha da Silva Viegas): — A seguir, distinto Deputado Patrocínio Fernandes.

Sr. **Patrocínio Fernandes dos Reis** (CNRT): — Obrigado.

Tanba projeto ne'e ami-nian no dala ruma tem que fó mai be, ami hanoin, atu retira ga, atu continua ba votação.

Ne'ebe, ha'u hanoin, hanesan ne'e, dala ida-ne'e ha'u concorda ho ha'u-nia maun Antoninho Bianco. Ha'u concorda tanba ita tem que hanoin katak ita la'ós ko'alia kona-ba osan, maibé ita hanoin katak ita-nia política externa ne'e ita la iha inimigo, ita mós la iha aliado. Portanto, nação ruma atu problema hela ba malu ne'e ita la iha problema, e país sira ne'ebé ita tau iha projeto ida-ne'e país sira ne'ebé ita bele hanoin katak hotu-hotu tama iha grupo parlamentar sira ne'ebé ita estabelece ne'e, IPU, APA, AIPA, CPLP, sira-ne'e hotu país sira-ne'e mak tama iha laran.

Ita mós dala ruma ko'alia kona-ba tem que tau osan, atividade, ou ita dala ruma mós ko'alia kona-ba ita tem que bá ka la bá. Ita-nia atividade tolu de'it, kona-ba fiscalização, kona-ba legislação nian ne'e mós dala ruma halo ita tempo la iha para ita atu balu bá ne'ebá, mas projeto ida-ne'e atu demonstra ita-nia vontade oinsá maka bele iha hanoin amigável ho país sira seluk, aproveita grupo sira seluk ne'e bele cria liután seluk.

E, ao mesmo tempo mós ita bele *sambut* ema seluk ninia hanoin amigável ho ita e ajuda Governo halo diplomacia tanba Governo define política de diplomacia ho nação sira seluk, mas Parlamento representa povo, tem que oinsá mak buka comunicação entre povo ho povo liuhusi Parlamento, para talvez bele fó contribuição hodi hadi'a dehan katak: «ah, ita-nia relação diplomática entre Estado ho Estado la di'ak, mas povo ne'e iha relação di'ak através de ninia representantes liuhusi parlamento». Sira-ne'e hotu mak, ha'u-hanoin, ita-nia vontade, hanoin, la significa katak depois ita tem que tau osan, ema ida-ne'e tem que bá ida-ne'ebá, bá ne'ebá. Ita-nia serbisu loroloron nu'udar fiscalizador ho legislador ne'e de'it mós dala ruma tempo ne'e atu la to'o atu ita bele bá.

Ne'ebe, ha'u hanoin, ho hanoin sira-ne'e maka ami submete projeto de lei ne'e, ita avança ba votação. Concorde ho colega sira hotu ninia opinião, mas ida, ita la precisa atu exclui fali país balu iha ne'e, tanba ita la iha política ida aliado ou la iha política ida inimigo, ita só iha amigos de'it ba ema hotu-hotu, tanba ne'e mak hotu-hotu ita cita iha deliberação ida-ne'e.

Obrigado.

Sr.^a **Presidente** (Maria Terezinha da Silva Viegas): — Ha'u hanoin, já estamos às 13h00.

Proponente último a pronunciar...

Distinto Deputado Joaquim dos Santos, ainda quer falar?

Um minuto, se faz favor.

Sr. **Joaquim dos Santos «Boraluli»** (FRETILIN): — Presidente, ita seidak claro iha composição ne'e, três dois um um um ne'e. Uluk ita halo ne'e la'ós ida-ne'e, e Deputado ne'e escolha iha nação rua ka nação tolu? Uluk ita halo beibeik ne'e. Mas agora ne'e termo foun, cria ulun fatuk moras ba chefe bancada atu localiza ema sira bá nação sira be ita atu bá ne'e.

E Deputado lakohi bá iha-ne'ebá karik bancada obriga nia atu bá ka?

Por exemplo, ha'u-nia chefe bancada dehan hanesan ne'e: «Boraluli bá Rússia!»

Be ha'u la hatene *bahasa* Rússia atu bá ka?

Ne'ebe composição ne'e iha resolução ne'e fó ba Deputado mak hili, ita determina nia hili nação hira, labele liu tolu, por exemplo, isto só. Ou ita determina iha-ne'e FRETILIN 19 Deputados de'it, 19 país de'it, *ok*, ema ida hili ida. Se CNRT hili 31 porque iha-ne'e 29 país de'it, CNRT rua livre, bele hili rua, hanesan ne'e! Mas, agora ita fó kedas três dois um, cria ulun fatuk moras ba bancada de'it.

Ha'u la'ós la concorda atu harii buat ne'e, ida be candidato na'in-ualu ne'e, júizo ne'e la claro ida, obscuro!

Sr.^a **Presidente** (Maria Terezinha da Silva Viegas): — Molok atu fó ba Deputado Patrocínio, Deputado Bianco, se faz favor.

Sr. **Antoninho Bianco** (FRETILIN): — Buat ne'e simples boot ida, Presidente em exercício, simples!

Ita aprova tiha, ita discute agora mós ema acompanha, ita aprova agora ema acesso. Claro sira bele halo resolução, bele! Sira mak hakarak halo, ne'ebe ne'e la iha problema.

Kona-ba composição, atu to'o ka la to'o, depois bancada mak haree. Tanba ne'e buat simples ida, ita halo! Ha'u hanoin, bá votação ona.

Ha'u hanoin katak proponente sira iha-ne'e dehan votação atu harii ida de'it ka, rua ka, tolu ka, ne'e depois concretização ne'e ita..., maibé ita tem que hatete katak Parlamento ninia hakarak iha relação ho rai hotu-hotu, reforça fali ASEAN nian, reforça CPLP nian, reforça fali APA nian ida ohin ita hatete ne'e, ne'ebe, ha'u hanoin, la iha problema.

Ita lalika hanoin katak osan ne'e..., *jadi* osan labele tau iha kakutak ida-ne'e, ba ha'u dehan, harii tiha, iha osan ka la iha osan, contacto ho secretariado, ha'u hakarak mak secretariado ida parte be grupo ne'e para bele dehan ita bele contacto. Ohin loron *zoom* bele iha, ohin loron buat hotu-hotu bele iha, ne'ebe, ha'u hanoin, ha'u secunda proponente sira-nian, ita bá votação.

Obrigado.

Sr.^a **Presidente** (Maria Terezinha da Silva Viegas): — Muito obrigada, Sr. Deputado.

Tau em consideração sugestão Deputado sira-nian hotu, ha'u hanoin, ho votação mak ita bele resolve diferença sira-ne'e hotu. Ha'u propõe ba votação.

Ba distinto Deputado ne'ebé vota a favor, contra e abstenção, se fazem favor.

Deputado sira hala'o votação ordinária.

Obrigada.

Hato'o ona ba votação, hetan aprovação ho unanimidade 44 votos husi Deputado presente hamutuk 53.

Embora existe diferença iha ita-nia discussão ohin mas felizmente estamos todos de acordo para a criação do grupo de amizade parlamentar.

Mós, secretariado bele hola nota, hola atenção ba estabelecimento do secretariado para este fim. Mas, também temos o Gabinete de Relações Internacionais ne'ebé bele acomoda ita-nia preocupação ne'ebé ohin distinto Deputado sira hato'o.

Sei iha ponto de ordem ida molok encerra.

Deputada Cedelízia, se faz favor.

Sr.^a **Cedelízia Faria dos Santos** (CNRT): — Obrigada, Presidente.

Ha'u husu lai ita-nia agenda ba semana oin ne'e tanba informação ne'ebé ami simu husi líder bancada katak iha semana oin la iha Plenária. Ne'e loos ka lae? Ami husu ba Reunião dos Líderes Bancadas, se bele halo plano ne'e labele cada semana ida, então difícil nós ba ita, comissão, atu halo ita-nia plano ne'e.

Ami, cada vez halo tiha ami-nia plano, mas dehan: «Oh hein lai, ita rona lai líderes bancadas, líderes bancadas», ne'ebe sugestão, karik sei halo ita ninia calendário ka agenda ne'e ba semana ida, karik bele facilita liu mós comissão sira halo ami-nia plano bá fiscalização.

Obrigada.

Ne'e mak ami rona to'ok semana oin ne'e será que ita pausa ou halo nu'usá, ami precisa atu hatene.

Obrigada, Presidente.

Sr.ª Presidente (Maria Terezinha da Silva Viegas): — Obrigada ba observação, distinta Deputada.

Assim, hanesan ita-nia concordância iha líderes das bancadas semana ida ou rua liubá, loloos ontem e hoje também não temos Plenária, tanba programa seminário acolhimento ne'e. Ho nune'e, comissão sira continua sira-nia trabalho, ba próximos dia 11 e dia 12 não vamos ter Plenária porque não temos matéria para Ordem do Dia.

Ho nune'e, husu ba distinto Deputado sira atu intensiva sira-nia fiscalização liuhosi comissão competente ou comissão ida-idak nian. Ba Plenária infelizmente ou felizmente, as próximas sessões plenárias do dia 11 e 12 não iremos ter, mas temos em conta katak se iha matéria ruma urgente, iremos convocar as reuniões de líderes das bancadas para hola providência ba sessões plenárias tuirmai.

Sr. Joaquim dos Santos «Boraluli» (FRETILIN): — Ponto de ordem!

Sr.ª Presidente (Maria Terezinha da Silva Viegas): — Distinto Deputado Joaquim, ainda tem palavra?

Se faz favor.

Sr. Joaquim dos Santos «Boraluli» (FRETILIN): — Obrigado, Presidente.

Suspensão Plenária verbal iha regimento la iha, tem que ser por escrito, tanba ita-nia período ne'e la'ós período normal. Ne'ebe suspensão Plenária la apenas verbal de'it, bancada hotu-hotu tem que informado por escrito – Presidente ninia despacho ruma karik – porque ne'e relaciona ho funcionário sira. Mesmo que ita iha recesso mós comissão nafatin iha serbisu. Agora, problema ita-nian tanba la iha matéria Ordem do Dia, verbalmente suspende Plenário, competência Mesa nian, mas iha regimento la iha.

Obrigado.

Sr.ª Presidente (Maria Terezinha da Silva Viegas): — Obrigado, Sr. Deputado.

Iremos comunicar por escrito aos líderes das bancadas e aos distintos Deputados para esse efeito.

Molok atu taka, ha'u fó palavra ba Deputado Mandati.

Se faz favor.

Sr. **David Dias Ximenes «Mandati»** (FRETILIN): — Ha'u atu responde de'it ba distinta Deputada Cedelízia Faria ninian, katak hein duni reunião chefe bancada sira-nian, depois mak sei comunica.

Obrigado.

Tem que hein duni, hein duni! Buat ne'e hanesan ne'e, hein, para depois mak comunica.

Obrigado.

Sr.^a **Presidente** (Maria Terezinha da Silva Viegas): — Ho nune'e ha'u hato'o ha'u-nia obrigada wa'in no agradece ba paciência distinto Deputado sira-nian, ita bele conclui ita-nia agenda ba loron 05 de setembro nian.

Ho nune'e ba líder bancada sira, ba Deputado sira hotu, ba convocatório ba líder bancada ou Plenário a seguir, husi Mesa sei hato'o por escrito tuir pedido ne'ebé hato'o husi distinto Deputado Joaquim, sei informa ba líderes das bancadas hotu para o efeito.

Ho nune'e, ba comissões hotu ne'ebé atu realiza fiscalização, se faz favor, dentro de cada semana, distinta Deputada, não é duas semanas a seguir, não! De acordo ho ita-nia loron ba comissão ninian. Ho nune'e, tanba já temos pedidos ba fiscalização nian husi comissão balu, ha'u encerra ita-nia Plenária ohin nian.

Agradece dala ida tan ba Deputado sira-nia paciência.

Bom almoço e boa semana.

Muito obrigada.

Horas hatudu tuku 13 liu minuto 16.